

摘藻堂四庫全書薈要

史部

欽定四庫全書薈要卷七千二百七十六

史部

資治通鑑卷二百九十

宋 司馬光 撰

胡三省 音註

後周紀一

一起重光大淵獻盡玄默困敦八月凡一年有奇 周自以為周 號叔之後春秋戰國

之世傳記謂號叔之後有國者為號公後謂之郭公號郭音相近也虞大夫宮之奇曰號仲號叔王季之穆也郭之得姓本於周故建國號曰周通鑑因謂之後周

太祖聖神恭肅文孝皇帝上

姓郭氏諱威邢州堯山人父簡事晉

為順州刺史

廣順元年春正月丁卯漢太后下詔授監國符寶

即皇帝位監國自臯門入宮

臯門大梁城外村名

即位於崇

元殿制曰朕周室之裔號叔之後國號宜曰周改

元大赦楊邠史弘肇王章等皆贈官官為斂葬

楊邠

等死見上卷上年為干偽翻斂力瞻翻

仍訪其子孫叙用之凡倉場

庫務掌納官吏無得收斗餘稱耗

斗餘概量之外又取其餘也稱

耗稱計斤鈞石之外又多取之以備耗折今悉除之矯王章苛斂之弊也稱尺證翻

舊所進

羨餘物悉罷之

羨弋戰翻羨餘唐之流弊也至五季而愈甚

犯竊盜及

姦者並依晉天福元年以前刑名罪人非反逆無得誅及親族籍沒家貲

矯史弘肇虐刑之弊也

唐莊宗明宗

晉高祖各置守陵十戶漢高祖陵職負宮人時月薦

享及守陵戶並如故初唐衰多盜不用律文更定峻法

竊盜贓三匹者死晉天福中加至五匹姦有夫婦人無

問強和男女並死

強謂男以威力加女女不得已而與之通姦者和謂男女相慕欲動情生

姦者而通

漢法竊盜一錢以上皆死又罪非反逆往往族誅

籍沒故帝即位首革其弊初楊邠以功臣國戚為方鎮

者多不開吏事

開習也

乃以三司軍將補都押牙孔目官

內知客其人自恃敕補多專橫

橫下孟翻

節度使不能制至

是悉罷之帝命史弘肇親吏上黨李崇矩訪弘肇親族

崇矩言弘肇弟弘福今存初弘肇使崇矩掌其家貲之

籍由是盡得其產皆以授弘福帝賢之使隸皇子榮帳

下戊辰以前復州防禦使王彥超權武寧節度使

時劉

贊將鞏廷美等守徐州

漢李太后遷居西宮

按薛史漢太平宮蓋即西宮

已

已上尊號曰昭聖皇太后

上時掌翻

開封尹兼中書令劉

勲卒 癸酉加王峻同平章事 以衛尉卿劉皞主漢

隱帝之喪

劉勲既卒他無親屬故也

初河東節度使燕中書令劉

崇聞隱帝遇害欲舉兵南向聞迎立湘陰公乃止曰吾

兒為帝吾又何求太原少尹李驤陰說崇曰

說式芮翻

觀郭

公之心終欲自取公不如疾引兵逾太行據孟津

行戶剛翻

俟徐州相公即位

湘陰公本鎮徐州故稱之

然後還鎮則郭公不敢

動矣不然且為所賣崇怒曰腐儒欲離間吾父子命左

右曳出斬之

間古莧翻曳讀日拽音羊列翻

驤呼曰吾負經濟之才而

為愚人謀事

呼火故翻
為于偽翻

死固甘心家有老妻願與之同

死崇并其妻殺之且奏於朝廷示無二心及贊廢崇乃

遣使請贊歸晉陽詔報以湘陰公比在宋州

比毗至翻

今方

取歸京師必令得所公勿以為憂公能同力相輔當加

王爵永鎮河東鞏廷美楊溫聞湘陰公失位奉贊妃董

氏據徐州拒守以俟河東援兵

劉贊令鞏廷美等守徐州事始見上卷上年

帝使贊以書諭之廷美溫欲降而懼死

降戶江翻

帝復遺贊

書曰爰念斯人盡心於主

復扶又翻遺唯季翻主謂劉贊

足以賞其忠

義何由責以悔尤俟新節度使入城

新節度使謂王彥超

當各除

刺史公可更以委曲示之

唐宋主帥以手書諭示將佐率謂之委曲

契丹

之攻內丘也

事見上卷上年

死傷頗多又值月食軍中多妖異

契丹主懼不敢深入引兵還

胡人用兵以月為候月食又多妖異故懼而不敢進

妖一遙翻還從宣翻又如字

遣使請和於漢會漢亡安國節度使劉

詞送其使者詣大梁帝遣左千牛衛將軍朱憲報聘且

叙革命之由以金器玉帶贈之帝以鄴都鎮撫河北

控制契丹欲以腹心處之

處昌呂翻

乙亥以寧江節度使侍

衛親軍都指揮使王殷為鄴都留守天雄節度使同平

章事領軍如故

仍領侍衛親軍

仍以侍衛司從赴鎮丙子帝帥

百官詣西宮為漢隱帝舉哀成服皆如天子禮

去年遷隱帝梓

宮於西宮事見上卷
帥讀曰率為于偽翻

慕容彥超遣使入貢帝慮其疑

懼賜詔慰安之曰今兄事已至此言不欲繁望弟扶持

同安億兆

漢祖慕容彥超之兄也今兄薛史作令兄當從之

戊寅殺湘陰公於

宋州是日劉崇即皇帝位於晉陽

劉崇漢祖母弟也

仍用乾

祐年號所有者并汾忻代嵐憲隆蔚沁遼麟石十二州

之地

宋白曰憲州故樓煩監牧唐昭宗龍紀元年李克用奏置憲州宋太宗之平太原折御卿自府州會

兵攻劉繼元先克岢嵐軍次克隆州次克嵐州則隆以州蓋晉漢間所置其地在岢嵐嵐谷之間沁平鵠翻

節度判官鄭珙為中書侍郎

珙居勇翻

觀察判官榮陽趙華

為戶部侍郎並同平章事以次子承鈞為侍衛親軍都

指揮使太原尹以節度副使李存瓌為代州防禦使裨

將武安張元徽為馬步軍都指揮使

九域志武安縣屬洛州在州西九十

里五陳光裕為宣徽使北漢主謂李存瓌張元徽曰

通鑑書嶺

南之漢為南漢河東之漢為北漢

朕以高祖之業一朝墜地今日位號

不得已而稱之顧我是何天子汝曹是何節度使邪由是不建宗廟祭祀如家人宰相月俸止百緡節度使止

三十緡

按唐世百官俸錢自會昌以後不復增減三師二百萬三公百六十萬侍中百五十萬中書令

兩省侍郎兩僕射東宮三師百四十萬尚書御史大夫東宮三少百萬節度使三十萬至梁開平五年宰臣俸二百千後唐同光四年定節度副使每月料錢四十千則節度使當又多今北漢主皆減其數俸扶用翻

餘薄有資給而已故其國中少廉吏

少詩洛翻

客省使河南

李光美嘗為直省官

三省有直省官凡百官詣宰相皆差直省官引接其職則外鎮客司

通引之職也

頗諳故事

諳烏含翻

北漢朝廷制度皆出於光美北

漢主聞湘陰公死哭曰吾不用忠臣之言以至於此為

李驥立祠

為于偽翻

歲時祭之

己卯以太師馮道為中書

令加實貞固侍中蘇禹珪司空

王彥超奏遣使齎敕

詣徐州鞏廷美等猶豫不肯啓關詔進兵攻之 帝謂

王峻曰朕起於寒微備嘗艱苦遭時喪亂

喪息浪翻

一旦為

帝王豈敢厚自奉養以病下民乎命峻疏四方貢獻珍

美食物庚辰下詔悉罷之

按薛史本紀詔應天下州府舊貢滋味食饌之物所宜除

減其兩浙進細酒海味薑瓜湖南杭子茶乳糖白沙糖
橄欖子鎮州高公米水梨易定栗子河東白杜梨米粉

菜豆粉玉屑粳子麴永興御田紅稭米新大麥麴興平
蘇栗子華州麝香羚羊角熊膽獾肝朱柿熊白河中樹
紅棗五味子輕錫同州石鋤餅晉絳蒲菊黃消梨陝府
鳳栖梨襄州紫薑新笋橘子安州折粳米糟味青州水
梨河陽諸雜果子許州御李子鄭州新笋鵝梨懷州寒
食杏仁申州蕢荷亳州草薤汾淮州郡淮白魚今後不
須進奉

其詔略曰所奉止於朕躬所損被於百姓

被皮義翻忙謨

耕翻又曰積於有司之中甚為無用之物又詔曰朕生長

軍旅

長知兩翻

不親學問未知治天下之道

治直之翻

文武官有

益國利民之術各具封事以聞咸宜直書其事勿事辭

藻帝以蘇逢吉之第賜王峻峻曰是逢吉所以族李崧

也事見二百八十八卷漢乾祐元年

辭而不處

使王峻處權勢之間皆以是心處之必不至有

商州之禍矣處昌呂翻

初契丹主北歸

見二百八十七卷漢高祖天福十二年

橫

海節度使潘聿撚弃鎮隨之契丹主以聿撚為西南路

招討使

撚乃殄翻

及北漢主立契丹主使聿撚遺劉承鈞書

北漢主使承鈞復書稱本朝淪亡紹龍衣帝位欲循晉室

故事求援北朝

遺唯李翻晉室故事謂晉祖事契丹以求援故事也朝直遙翻下同

契丹

主大喜北漢主發兵屯陰地黃澤團柏

屯陰地者欲窺晉隰屯黃澤者

欲窺邢趙屯團柏者欲窺鎮定

丁亥以承鈞為招討使與副招討使白

從暉都監李存瓌將步騎萬人寇晉州從暉吐谷渾人也

郭崇威更名崇曹威更名英

皆避帝名也
更工衡翻

二月丁

酉以皇子天雄牙內都指揮使榮為鎮寧節度使選朝
士為之僚佐以侍御史王敏為節度判官右補闕崔頌

為觀察判官校書郎王朴為掌書記

為王朴見任頌協
於世宗張本

之子

崔協相後
唐明宗

朴東平人也

戊戌北漢兵五道攻晉

州節度使王晏閉城不出劉承鈞以為怯蟻附登城晏
伏兵奮擊北漢兵死傷者千餘人承鈞遣副兵馬使安

元寶焚晉州西城元寶來降承鈞乃移軍攻隰州

九域志晉

州西北至隰州二百五十里

癸卯隰州刺史許遷遣步軍都指揮使

孫繼業迎擊北漢兵於長壽村

唐武德二年分隰州石樓置長壽縣貞觀元年

省入石樓

執其將程筠等殺之未幾北漢兵攻州城

幾居數

日不克死傷甚衆乃引去遷鄆州人也

甲辰楚王希

萼遣掌書記劉光輔入貢於唐

考異曰湖湘故事光輔作光翰今從十國紀

年

帝悉出漢宮中寶玉器數十碎之於庭曰凡為帝

王安用此物聞漢隱帝日與嬖寵於禁中嬉戲珍玩不

離側

嬖卑義翻又必計翻離力智翻

茲事不遠宜以為鑑仍戒左右自

今珍華悅目之物無得入宮

丁未契丹主遣其臣梟

骨支與朱憲偕來

梟奴烏翻歐史作梟朱憲使契丹見上正月

賀即位 戊

申敕前資官各聽自便居外州

漢隱帝乾祐二年冬楊邠奏前資官分居兩京

事見二百八十八卷

陳思讓未至湖南馬希萼已克長沙思讓

留屯郢州敕召令還

去年十一月漢朝議發兵救潭州內難作而不果劉郭易姓之際必

未暇遣將南畧未知陳思讓為誰朝所遣當考按薛史周太祖登極遣陳思讓帥偏師至安郢以圖進取長沙陷乃班師則帝所遣也

丁巳遣尚書左丞田敏使契丹北漢主

遣通事舍人李訥使於契丹

訥俗辯字從功從言宋景文手記曰北齊時里俗多

作偽字始以巧言為辯至隋有柳訥其字又以巧易巧矣

乞兵為援

詔加泰寧節

度使慕容彥超中書令遣翰林學士魚崇諒詣兗州諭

指崇諒即崇遠也

魚崇諒先因避漢祖諱改名

彥超上表謝三月壬

戌朔詔報之曰向以前朝失德少主用讒

少詩照翻

倉猝之

間召卿赴闕卿即奔馳應命信宿至京救國難而不顧

身聞君召而不俟駕

難乃旦翻

以至天亡漢祚兵散梁郊降

將敗軍相繼而至卿即便回馬首徑反龜陰

兗州在龜山之陰慕

容彥超赴大梁還兗州事並見上卷上年

為主為時

為于偽翻

有終有始所謂危

亂見忠臣之節疾風知勁艸之心若使為臣者皆能如

茲則有國者誰不欲用所言朕潛龍河朔之際平難浚

郊之時

難乃旦翻浚郊謂大梁之郊大梁有浚水詩云子子干旌在浚之郊韓愈從董晉于汴州賦曰

非天子之洵美兮緣不奉示喻之言亦不得差人至行

吾何為乎浚之都

闕且事主之道何必如斯若或二三於漢朝

朝直遙翻

又安

肯忠信於周室以此為懼不亦過乎卿但悉力推心安

民體國事朕之節如事故君不惟黎庶獲安抑亦社稷

是賴但堅表率未議替移由衷之誠言盡於此

以慕容彦超不

自安故以此
詔撫諭之

唐以楚王希萼為天策上將軍武安武

平靜江寧遠節度使兼中書令楚王以右僕射孫忌

孫忌

即孫晟歐史曰晟
一名忌又名鳳

客省使姚鳳為冊禮使丙寅遣前

淄州刺史陳思讓將兵戍磁州扼黃澤路

磁州西北當
黃澤關路口

磁牆
之翻

楚王希萼既得志多思舊怨殺戮無度晝夜縱

酒荒淫悉以軍府事委馬希崇希崇復多私曲政刑

紊亂

復扶又翻
紊音問

府庫既盡於亂兵籍民財以賞賚士卒

或封其門而取之士卒猶以不均怨望雖朗州舊將佐

從希萼來者亦皆不悅有離心劉光輔之入貢於唐也

入貢見
上月

唐主待之厚光輔密言湖南民疲主驕可取也

唐主乃以營屯都虞候邊鎬為信州刺史將兵屯袁州

潛謀進取小門使謝彥顥

顥魚容翻
事作謝彥叙

考異曰湖湘故
周羽冲三楚新

錄作謝延澤今
從十國紀年

本希萼家奴以首面有寵於希萼

首面
龍陽

之色

至與妻妾雜坐恃恩專橫

橫戶
孟翻

常肩隨希崇或撫

其背

記曲禮年長以倍則父事之十年以長則兄事之
五年以長則肩隨之注云肩隨者與之並行差退

若捐背則
狎之矣

希崇銜之故事府宴小門使執兵在門外希

萼使彥顥預坐或居諸將之上諸將皆恥之希萼以府

舍焚蕩命朗州靜江指揮使王逵副使周行逢帥所部

兵千餘人治之

帥讀曰率下同治直之翻

執役甚勞又無犒賜

犒苦到翻

士卒皆怨竊言曰囚免死則役作之我輩從大王出萬

死取湖南何罪而囚役之且大王終日酣歌豈知我輩

之勞苦乎逵行逢聞之相謂曰衆怨深矣不早為計禍

及吾曹壬申旦帥其衆各執長柯斧白梃逃歸朗州

柯斧

柄也槌
徒鼎翻

時希萼醉未醒左右不敢白癸酉始白之希萼

遣湖南指揮使唐師翦將千餘人追之不及直抵朗州

逵等乘其疲乏伏兵縱擊士卒死傷殆盡師翦脫歸翦章

怨翻逵等黜留後馬光賛去年馬希萼以子光賛鎮朗州更以希萼兄子

光惠知州事

更工衡翻

光惠希振之子也

希振馬殷之嫡長子也

尋奉

光惠為節度使逵等與何敬真及諸軍指揮使張傲參

決軍府事希萼具以狀言於唐唐主遣使以厚賞招諭

之逵等納其賞縱其使不答其詔唐亦不敢詰也

使疎吏翻

詰去吉翻為王達等
以朗州攻潭州張本

王彥超奏克徐州殺鞏廷美等

鞏廷美等以
無援敗死

北漢李晉至契丹契丹主使拽刺梅里

報之

拽羊列翻
刺來達翻

丙子敕朝廷與唐本無仇怨緣淮軍

鎮各守疆域無得縱兵民擅入唐境商旅往來無得禁

止已卯潞州送涉縣所獲北漢將卒二百六十餘人

各賜衫袴巾履遣還

涉漢縣唐屬潞州九域志
在州東北一百九十八里

加

吳越王弘俶諸道兵馬都元帥夏四月壬辰朔濱淮州

鎮上言淮南饑民過淮糴穀未敢禁止詔曰彼之生民

與此何異宜令州縣津鋪無得禁止

鋪普故翻

蜀通奏使

高延昭固辭知樞密院丁未以前雲安權鹽使太原伊

審徵為通奏使知樞密院事

雲安漢巴郡之胸臆縣地周武帝置雲安縣唐屬夔

州以其產鹽置雲安監

審徵蜀高祖妹褒國公主之子也少與蜀

主相親狎

少詩照翻

及知樞密政之大小悉以咨之審徵亦

以經濟為已任而貪侈回邪與王昭遠相表裏蜀政由

是浸衰 吳越王弘俶徙廢王宏侗居東府

自衣錦軍徙居東府

吳越以越州為東府

為築宮室治園圃娛悅之

為于偽翻治直之翻

歲時供

饋甚厚 契丹主遣使如北漢告以周使田敏來約歲

輸錢十萬緡

輸春遇翻

北漢主使鄭珙以厚賂謝契丹

珙居勇翻

自稱姪皇帝致書於叔天授皇帝請行冊禮 五月已

巳遣左金吾將軍姚漢英等使於契丹契丹留之

契丹以北

漢交之厚遂留周使

辛未北漢禮部侍郎同平章事鄭珙卒

於契丹

考異曰晉陽見聞錄鄭珙既達虜庭虜君恩禮周厚虜俗以酒池肉林為名雖不飲酒如韋

曜輦者亦加灌注縱成疾無復信之珙魁岸善飲罹無量之逼宴罷載歸一夕腐脇於穹廬之甑堵間輿尸而復命九國志契丹宴犒漢使必厚具酒肉以示夸大高祖鎮河東嘗命韋曜北使曜羸瘠不能飲酒虜人強之

遂卒按韋曜孫皓時人韋昭也不能飲酒王保衡引以為文章而路振云高祖時人誤也

甲戌義

武節度使孫方簡避皇考諱更名方諫

更工衡翻

定難節

度李彝殷遣使奉表於北漢

節度之下當有使字難乃旦翻

六月辛

亥以樞密使同平章事王峻為左僕射兼門下侍郎樞

密副使兵部侍郎范質判三司李穀為中書侍郎並同

平章事穀仍判三司司徒兼侍中竇貞固司空兼中書

侍郎同平章事蘇禹珪並罷守本官癸丑范質參知樞

密院事丁巳以宣徽北院使翟光鄴兼樞密副使

翟長伯翻

又徒
歷翻

初帝討河中已為人望所屬

帝討河中見二百八十八卷漢乾祐元年

屬之
欲翻

李穀時為轉運使帝數以微言動之穀俱以人臣

盡節為對帝以是賢之即位首用為相時國家新造四方多故王峻夙夜盡心知無不為軍旅之謀多所裨益范質明敏強記謹守法度李穀沈毅有器略在帝前議

論辭氣忼慨善譬諭以開主意

數所角翻沈持林翻沈苦廣翻此史言周朝新

造輔相者能盡心營職以濟多艱

武平節度使馬光惠愚懦嗜酒不

能服諸將王逵周行逢何敬真謀以辰州刺史廬陵劉

言驍勇得蠻夷心

劉言從彭玕奔楚因為楚將

欲迎以為副使言知

達等難制曰不往將攻我乃單騎赴之

九域志辰州東至朗州五百六

十六

既至衆廢光惠送於唐推言權武平留後

為王達等殺劉

言張本

表求旄節於唐唐人未許亦稱藩於周 吳越王

弘倣以前內外馬步都統軍使仁俊無罪復其官爵

錢仁

俊被幽見二百八十五

契丹遣燕王述軋等冊命北

卷晉齊王開運二年

漢主為大漢神武皇帝妃為皇后北漢主更名旻

更工衡翻

秋七月

按五代會要是月周追尊四廟

北漢主遣翰林學士博興衛

融等詣契丹謝冊禮

博興即唐青州之博昌縣後唐避獻祖諱改曰博興九域志縣在州

西北一百二十里

且請兵

請兵以攻周

八月壬戌葬漢隱帝於潁

陵

潁陵在許州陽翟縣

義武節度使孫方諫入朝壬子徙鎮國

節度使以其弟易州刺史行友為義武留後又徙建雄

節度使王晏鎮徐州以武寧節度使王彥超代之

王晏與王

彥超兩易所鎮

戊午追立故夫人柴氏為皇后

柴氏先卒去年不死於劉

銖之手

九月北漢主遣招討使李存瓌將兵自團柏入

寇契丹欲引兵會之

契丹之下當有主字

與酋長議於九十九泉

魏土地記曰沮陽城東八十里有牧牛山山下有九十泉即滄河之上源也按魏收魏書天賜三年八月魏主登武要北原觀九十九泉武要縣漢屬定襄郡東部都尉治所宋白曰九十九泉在幽州西北一千餘里

諸部皆不欲南寇契丹主強之癸亥行至新州之火神

淀

契丹雖破晉其力亦疲諸部瘡痍未瘳羸耗未復故不欲南寇宋白曰火神淀在新州西強其兩翻淀徒

練翻淺水曰淀

燕王述軋及偉王之子太寧王溫僧作亂

溫烏侯翻

弑契丹主而立述軋契丹主德光之子述律逃入南山諸部奉述律以攻述軋溫僧殺之并其族黨立述律為帝改元應歷自火神淀入幽州遣使告於北漢北漢主

遣樞密直學士上黨王得中如契丹賀即位復以叔父
事之請兵以擊晉州契丹主年少好遊戲不親國事每
夜酣飲達旦乃寐日中方起國人謂之睡王後更名明
少詩照翻好呼
到翻更工衡翻

士申蜀以吏部尚書御史中丞范仁
恕為中書侍郎兼吏部尚書同平章事 楚王希萼既

克長沙不賞許可瓊
許可瓊降希萼見上
卷漢隱帝乾祐三年 疑可瓊怨望

出為蒙州刺史
唐武德五年析荔州之隋化縣置南恭
州貞觀八年更名蒙州宋朝熙寧五年

廢蒙州以立山縣隸昭州宋白曰蒙州漢荔浦縣地唐
置蒙州以州東面有蒙山山下有泉源流為蒙水山下

人皆姓
蒙故名

遣馬步都指揮使徐威左右軍馬步使陳敬遷

水軍都指揮使魯公綰牙內侍衛指揮使陸孟俊帥部

兵立寨于城西北隅以備朗兵

帥讀曰
率下同

不存撫役者將

卒皆怨怒謀作亂希崇知其謀戊寅希萼宴將吏徐威

等不預希崇亦辭疾不至威等使人先驅蹙齧馬十餘

入府自帥其徒執斧斤白梃聲言繫馬奄至座上縱橫

擊人顛踣滿地

蹙大計翻齧魚結翻繫陟
立翻縱子容翻踣滿北翻

希萼踰垣走

威等執囚之

考異曰十國紀年作丁丑按
湖湘故事在十九日今從之

執謝彥顯

自頂及踵剉之立希崇為武安留後縱兵大掠幽希萼

於衡山縣

三國時吳分湘南縣置衡山縣唐屬衡州宋朝淳化四年分屬潭州九域志衡山縣在潭

州西南三百二十里

劉言聞希崇立遣兵趣潭州

趣七喻翻

聲言討其

篡奪之罪壬午軍於益陽之西希崇懼癸未發兵二千

拒之又遣使如朗州求和請為鄰藩掌書記桂林李觀

象說言曰

時人謂桂州為桂林說式芮翻

希萼舊將佐猶在長沙此必

不欲與公為鄰不若先檄希崇取其首然後圖湖南可兼有也言從之希崇畏言即斷都軍判官楊仲敏掌書

記劉光輔牙內指揮使魏師進都押牙黃勅等十餘人

首

斷丁管翻勅渠京翻

遣前辰陽縣令李翊齋送朗州

辰陽地名馬氏置縣

屬辰州宋白曰辰溪縣本漢辰陵縣後漢曰辰陽以縣在辰水之陽也隋改曰辰溪如此則馬氏用後漢縣名

也至則腐敗言與王逵等皆以為非仲敏等首怒責翊

翊惶恐自殺希崇既襲位亦縱酒荒淫為政不公語多

矯妄國人不附初馬希萼入長沙

事見上卷上年十二月

彭師曷

雖免死猶杖背黥為民希崇以為師曷必怨之使送希

萼於衡山實欲師曷殺之師曷曰欲使我為弑君之人

乎奉事逾謹

晉古老翻

丙戌至衡山衡山指揮使廖偃匡圖

之子也

晉天福四年廖匡圖與蠻戰死

與其季父節度巡官匡凝謀曰

吾家世受馬氏恩今希萼長而被黜必不免禍

長知兩翻被彼

義翻盍相與輔之於是帥莊戶及鄉人悉為兵

佃豪家之田而納其

租謂之莊戶帥讀曰率

與師曷共立希萼為衡山王以縣為行府

斷江為柵

斷于管翻江即謂湘江也

編竹為戰艦以師曷為武清節

度使

武清節度使廖偃等自相署置耳

召募徒衆數日至萬餘人州縣

多應之遣判官劉虛已求援于唐徐威等見希崇所為

知必無成又畏朗州衡山之逼恐一朝喪敗俱及禍

喪息

浪翻欲殺希崇以自解希崇微覺之大懼密遣客將范守

牧奉表請兵於唐唐主命邊鎬自袁州將兵萬人西趣

長沙

將即亮翻
趣七喻翻

冬十月辛卯潞州巡檢陳思讓敗北

漢兵於虎亭

敗補邁翻虎亭在潞州銅鞮縣九域志潞州襄垣縣有虎亭鎮虎音斯

唐

邊鎬引兵入醴陵

舊唐書地理志曰漢臨湘縣界有醴陵後漢立為縣隋廢唐武德四年分

長沙縣置醴陵縣並屬潭州九域志醴陵縣在潭州東一百六十里范成大行程記袁州萍鄉縣至潭州醴陵

縣兩日
程耳

癸巳楚王希崇遣使犒軍壬寅遣天策府學士

拓拔恒奉牋詣鎬請降恒歎曰吾久不死乃為小兒送
降狀癸卯希崇帥弟姪迎鎬望塵而拜鎬下馬稱詔勞
之鎬苦到翻帥讀曰率下同勞力到翻甲辰希崇等從鎬入城鎬舍於瀏

陽門樓

瀏音留

湖南將吏畢賀鎬皆厚賜之時湖南飢饉

鎬大發馬氏倉粟賑之楚人大悅

馬殷據潭朗傳子希聲希範希希廣希萼希

崇至是而亡唐明宗天成三年楚歸吳敗將苗璘許德
勲謂之曰待衆駒爭阜棧而後湖湘可圖今果如其言

契丹遣彰國節度使蕭禹厥將奚契丹五萬會北漢

兵入寇北漢主自將兵二萬自陰地關寇晉州丁未軍

于城北三面置寨晝夜攻之遊兵至絳州時王晏已離

鎮離力智翻王彥超未至巡檢使王萬敢權知晉州與龍捷

都指揮使史彥超虎捷指揮使何徽共拒之

薛史本紀廣順元年

改侍衛馬步軍額馬軍舊稱護聖改為龍捷步軍舊稱護國改為虎捷

史彥超雲州人也

癸丑唐武昌節度使劉仁贍帥戰艦二百取岳州撫

納降附人忘其亡

劉仁贍善將故能為唐堅守壽州

仁贍金之子也

劉金

為楊氏將唐百官共賀湖南平起居郎高遠曰我乘楚亂取

之甚易

易以鼓翻

觀諸將之才但恐守之難耳遠幽州人也

司徒致仕李建勲曰禍其始於此乎

唐之禍敗後果如二臣所料

唐

主自即位以來未嘗親祠郊廟禮官以為請唐主曰俟天下一家然後告謝及一舉取楚謂諸國指麾可定魏岑侍宴言臣少遊元城樂其風土

少詩照翻樂音洛

俟陛下定

中原乞魏博節度使唐主許之岑趨下拜謝其主驕臣佞如此馬希萼望唐人立已為潭帥而潭人惡希萼

烏息

路翻共請邊鎬為帥

帥所類翻下同

唐主乃以鎬為武安節度使

為邊鎬為朗兵所逐張本

王峻有故人曰申師厚嘗為兗州牙將

失職飢寒望峻馬拜謁於道會涼州留後折逋嘉施上

表請帥於朝廷

折逋羌族也因以為姓

帝以絕域非人所欲募率

府供奉官願行者

率府謂東宮十率府也

月餘無人應募峻薦師

厚於帝丁巳以師厚為河西節度使唐邊鎬趣馬希

崇帥其族入朝

趣讀曰促帥讀曰率朝直遙翻

馬氏聚族相泣欲重賂

鎬奏乞留居長沙鎬微哂曰國家與公家世為仇敵殆

六十年

哂天忍翻唐昭宗光啓三年馬殷從孫儒攻楊行密乾寧三年得湖南自此與江淮為敵國自

光啓三年至是年適六十年

然未嘗敢有意窺公之國今公兄弟鬩

閱困窮自歸若復二三

復扶又翻

恐有不測之憂希崇無以

應十一月辛酉與宗族及將佐千餘人號慟登舟

閱馨激翻

聞也很也戾也詩云兄弟閱于墻復扶又翻號戶刀翻

送者皆哭響振川谷帝

以北漢契丹之兵猶在晉州甲子以王峻為行營都部

署將兵救之詔諸軍皆受峻節度聽以便宜從事得自

選擇將吏乙丑峻行帝自至城西餞之

大梁城西也

楚靜

江節度副使知桂州馬希隱武穆王殷之少子也楚王希廣希萼兄弟爭國南漢主以內侍吳懷恩為西北招

討使將兵屯境上伺間密謀進取

少詩照翻伺相
吏翻間古覓翻

希廣

遣指揮使彭彥暉將兵屯龍峒以備之

桂州溪南有白
龍洞在平地半

上希萼自衡山遣使以彥暉為桂州都監在城外內巡

檢使判軍府事希隱惡之

惡鳥
路翻

潛遣人告蒙州刺史許

可瓊可瓊方畏南漢之逼即弃蒙州引兵趣桂州

蒙桂
相去

四百餘里
趣七喻翻

與彥暉戰於城中彥暉敗奔衡山可瓊留屯

桂州吳懷恩據蒙州進兵侵掠桂管大擾希隱可瓊不

知所為但相與飲酒對泣南漢主遺希隱書

遺唯
李翻

言武

穆王奄有全楚富彊安靖五十餘年止由三十五舅三

十舅兄弟尋戈自相魚肉

三十五舅謂希廣三十舅謂希考漢主龔嬰娶楚王殷女故

呼希廣等為舅

舉先人基業北面仇讎

言舉國臣唐也

今聞唐兵已據

長沙竊計桂林繼為所取當朝世為與國重以婚姻

直朝

遙翻重直用翻

覩茲傾危忍不赴救已發大軍水陸俱進當令

相公舅永擁節旄常居方面希隱得書與僚佐議降之

支使潘玄珪以為不可丙寅吳懷恩引兵奄至城下希

隱可瓊帥其衆夜斬關奔全州

九域志桂州北至全州一百六十三里晉高祖

時馬氏改永州之湘源縣為清湘縣置全州本
漢沅陽縣地有沱水在清湘縣北帥讀曰率桂州遂

潰懷恩因以兵略定宜連梧嚴富昭柳龔象等州

唐乾封二

年招致生獠以秦故桂林郡地置
嚴州富州富是置於賀州富川縣南漢始盡有嶺南之

地 辛未唐邊鎬遣先鋒指揮使李承戩將兵如衡山

趣馬希萼入朝

戩子踐翻趣讀曰促

庚辰希萼與將佐士卒萬餘

人自潭州東下 王峻留陝州旬日帝以北漢攻晉州

急憂其不守議自將由澤州路與峻會兵救之

帝欲自澤州而

西王峻自陝度河而北取潞州而會于晉州陝失冉翻將即亮翻

且遣使諭峻十二月

戊子朔下詔以三日西征使者至陝峻因使者言於帝

曰晉州城堅未易可拔

易以政翻

劉崇兵鋒方銳不可力爭

所以駐兵待其氣衰耳非臣怯也陛下新即位不宜輕

動若車駕出汜水則慕容彥超引兵入汴大事去矣帝

聞之自以手提耳曰幾敗吾事

王峻之言出於帝防虞之所不及而犁然有當

於心故不覺自提其耳
幾居依翻敗補邁翻

庚寅敕罷親征初秦寧節度使

兼中書令慕容彥超聞徐州平

謂羣廷美等死

疑懼愈甚乃招

納亡命畜聚新糧潛以書結北漢吏獲其書以聞又遣

人詐為商人求援於唐帝遣通事舍人鄭好謙就申慰諭與之為誓彥超益不自安屢遣都押牙鄭麟詣闕偽輸誠款實覘機事

覘丑廉翻又丑艷翻

又獻天平節度使高行周

書其言皆謗毀朝廷與彥超相結之意帝笑曰此彥超

之詐也以書示行周行周上表謝恩

漢初彥超與行周同攻魏因而結隙

且充鄆鄰藩彥超舉兵恐行周擬其後故偽為既而彥超其書欲以問之帝反以其書示行周以結其心

超反跡益露丙申遣閤門使張凝將兵赴鄆州巡檢以

備之

職官分紀閤門使副掌供奉乘輿朝會游幸大宴及贊引親王宰相百僚蕃客朝見辭糾彈失儀五

代以來多以處武臣
出將使命及總戎旅

庚子王峻至絳州乙巳引兵趣

晉州

趣七
喻翻

晉州南有蒙阮最為險要峻憂北漢兵據之

是日聞前鋒已度蒙阮喜曰吾事濟矣慕容彥超奏

請入朝帝知其詐即許之既而復稱境內多盜未敢離

鎮

復扶又翻
離力智翻

北漢主攻晉州久不克

是年十月庚子
攻晉州至是五

十餘
日

會大雪民相聚保山寨野無所掠軍乏食契丹思

歸聞王峻至蒙阮燒營夜遁峻入晉州諸將請亟追之

峻猶豫未決明日乃遣行營馬軍都指揮使仇弘超都

排陳使藥元福左廂排陳使陳思讓康延沼將騎兵追

之及於霍邑

九域志霍邑在晉州北一百三十五里

縱兵奮擊北漢兵墜

崖谷死者甚衆霍邑道隘延沼畏懦不急追由是北漢

兵得度藥元福曰劉崇悉發其衆挾胡騎而來志吞晉

絳今氣衰力憊狼狽而遁不乘此翦撲必為後患

僊蒲拜翻

撲普卜翻諸將不欲進王峻復遣使止之

復扶又翻王峻自晉州遣使

遂

還契丹比至晉陽士馬什喪三四

還從宣翻又如字比必利翻喪息浪翻

蕭禹厥恥無功釘大酋長一人於市旬餘而斬之

釘丁定翻

苗慈秋翻
長知兩翻

北漢主始息意於進取北漢土瘠民貧內供

軍國外奉契丹賦繁役重民不聊生逃入周境者甚衆

唐主以鎮南節度使兼中書令宋齊丘為太傅以馬

希萼為江南西道觀察使鎮洪州仍賜爵楚王以馬希

崇為永泰節度使鎮舒州

唐蓋置永泰軍於舒州

湖南將吏位高

者拜刺史將軍卿監卑者以次拜官唐主嘉廖偃彭師

高之忠以偃為左殿直軍使萊州刺史

萊州屬周境廖偃遙領耳

師

高為殿直都虞侯賜予甚厚

予讀曰與

湖南刺史皆入朝於

唐永州刺史王貲獨後至唐主毒殺之南漢主遣內

侍省丞潘崇徹

唐內侍省有監有少監未嘗有丞此南漢創置也

將軍謝貫將

兵攻郴州唐邊鎬發兵救之崇徹敗唐兵於義章

郴州林翻

宋白曰郴州漢郴縣隋置郴州敗補邁翻隋末蕭銑分

郴置義章縣唐屬郴州九域志在州南八十五里宋朝

避太宗藩舊名改曰宜章宋白曰縣北臨章水

遂取郴州邊鎬請除全道二

州刺史以備南漢丙辰唐主以廖偃為道州刺史以黑

雲指揮使張巒知全州

全道二州與南漢賀昭桂三州接界

是歲唐主以

安化節度使鄱陽王王延政為山南西道節度使

興元山南

西道屬蜀唐使
王延政遙領耳

更賜爵光山王

更工衡翻王延政之先
本光山人故以爵之

初蒙城鎮將咸師朗將部兵降唐

見二百八十八卷漢
乾祐二年將即亮翻

唐主以其兵為奉節都從邊鎬平湖南唐悉收湖南金
帛珍玩倉粟乃至舟艦亭館花果之美者皆徙於金陵
遣都官郎中楊繼勲等收湖南租賦以贍戍兵繼勲等
務為苛刻湖南人失望行營糧料使王紹顏減士卒糧
賜奉節指揮使孫朗曹進怒曰昔吾從咸公降唐唐待
我豈如今日湖南將士之厚哉今有功不增祿賜又減

之不如殺紹顏及鎬據湖南歸中原富貴可圖也

二年春正月庚申夜孫朗曹進帥其徒作亂

帥讀曰率

東藁潛燒

府門火不然邊鎬覺之出兵格鬪且命鳴鼓角朗進等

以為將曉斬關奔朗州王達問朗曰吾昔從武穆王與

淮南戰屢捷

馬殷謚武穆王

淮南兵易與耳

易以鼓翻

今欲以朗州

之衆復取湖南可乎朗曰朗在金陵數年備見其政事

朝無賢臣軍無良將忠佞無別賞罰不當

朝直遙翻將即亮翻別彼

列翻當丁浪翻

如此得國存幸矣何暇兼人朗請為公前驅取

湖南如拾芥耳達悅厚遇之

為于偽翻王達等本有圖湖南之志於此遂決

壬戌發開封府民夫五萬修大梁城旬日而罷募容

彥超發鄉兵入城引泗水注壕中為戰守之備又多以

旗幟授諸鎮將令募羣盜剽掠鄰境

幟昌志翻剽匹妙翻

所在奏

其反狀甲子赦沂密二州不復隸泰寧軍

先收其巡屬以弱募容彥

超復扶又翻

以侍衛步軍都指揮使昭武節度使曹英為都

部署討彥超

昭武軍利州屬蜀曹英遙領耳

齊州防禦使史延超為副

部署皇城使河內向訓為都監

向姓也本自有殷宋文公支子向文旰旰孫成

以王父字為氏余按春秋左氏傳向戌宋桓公之後向式亮翻監古街翻

陳州防禦使藥元

福為行營馬部都虞侯帝以元福宿將

藥元福歷事唐漢晉為將有功

將即亮翻

命英訓無得以軍禮見之二人皆父事之唐主發

兵五千軍於下邳以援彥超聞周兵將至退屯沭陽

下邳

縣屬徐州東南至沭陽縣百里劉昫曰沭陽漢廩丘縣後魏改曰沭陽唐屬海州九域志在海州西南一百八十里杜祐曰海州沭陽縣漢原丘縣地梁置潼陽郡沭食丰翻徐州巡檢使張令彬擊

之大破唐兵殺溺死者千餘人獲其將燕敬權

燕於資翻初

彥超以周室新造謂其易搖

易以政翻

故北召北漢及契丹

南誘唐人使侵邊鄙冀朝廷奔命不暇然後乘間而動

誘音酉問
古覓翻

及北漢契丹自晉州北走唐兵敗於沐陽彥

超之勢遂沮

沮在呂翻

永興節度使李洪信自以漢室近親

心不自安

洪信漢李太后之羣從也

城中兵不滿千人王峻在陝以

救晉州為名發其徒數百及北漢兵遁去遣禁兵千餘

人戍長安洪信懼遂入朝壬申王峻自晉州還入見

還從宣翻又如
字見賢遍翻

曹英等至兗州設長圍慕容彥超屢

出戰藥元福皆擊敗之

敗補邁翻

彥超不敢出十餘日長圍

合遂進攻初彥超將反判官崔周度諫曰魯詩書之國
自伯禽以來不能霸諸侯然以禮義守之可以長世公
於國家非有私憾胡為自疑況主上開諭勤至苟撤備
歸誠則坐享太山之安矣獨不見杜中令安襄陽李河
中竟何所成乎

杜中令謂杜重威安襄陽謂安從進李河中謂李守貞皆以反而敗死事並見

前紀彥超怒及官軍圍城彥超括士民之財以贍軍坐匿

財死者甚衆前陝州司馬閻弘魯寶之子也

閻寶背梁歸唐歷節

鎮畏彥超之暴傾家為獻彥超猶以為有所匿命周度

索其家

索山客翻

周度謂弘魯曰君之死生繫財之豐約宜

無所愛弘魯泣拜其妻妾曰悉出所有以救吾死皆曰

竭矣周度以白彥超彥超不信收弘魯夫妻繫獄有乳

母於泥中拊得金纏臂獻之冀以贖其主

拊蒲溝翻以手爬土也

彥超曰所匿必猶多榜掠弘魯夫妻肉潰而死以周度

為阿庇斬於市北漢遣兵寇府州防禦使折德宸敗

之

敗補邁翻

殺二千餘人二月庚子德宸奏攻拔北漢岢嵐

軍以兵戍之

舊唐書地理志曰嵐州嵐谷縣舊岢嵐軍也在嵐州宜芳縣北界長安二年分宜芳

於奇嵐舊軍置嵐谷縣神龍二年廢縣置軍開元十二年復置縣此蓋後唐復置軍也九域志奇嵐軍治嵐谷縣南至嵐州九十里奇枯我翻

甲辰帝釋燕敬權等使歸唐謂唐主

曰叛臣天下所共疾也不意唐主助之得無非計乎唐

主大慙先所得中國人皆禮而歸之唐之言事者猶獻

取中原之策中書舍人韓熙載曰郭氏有國雖淺為治

已固

治直吏翻

我兵輕動必有害無益唐自烈祖以來

唐主昇廟

號烈祖

常遣使泛海與契丹相結欲與之共制中國更相

饋遺

更工衡翻遺唯季翻

約為兄弟然契丹利其貨徒以虛語往

來實不為唐用也唐主好文學

好呼到翻

故熙載與馮延巳

延魯江文蔚潘佑徐鉉之徒皆至美官佑幽州人也

蔚紆

勿翻當時唐之文雅於諸國為盛然未嘗設科舉多因上

書言事拜官至是始命翰林學士江文蔚知貢舉進士

廬陵王克貞等三人及第

廬陵漢縣唐帶吉州蔚紆勿翻

唐主問文蔚

卿取士何如前朝對曰前朝公舉私謁相半臣專任至

公耳唐主悅中書舍人張緯前朝登第聞而銜之時執

政皆不由科第相與沮毀竟罷貢舉

南唐罷貢舉時中國未嘗罷貢

舉也 三月戊辰以內客省使恩州團練使晉陽鄭仁誨

為樞密副使

按是時中國無恩州此即南漢之恩州也鄭仁誨遙領團練使耳宋慶曆八年平王

則改貝州為恩州始以嶺南之恩州為南恩州以別之

甲戌改威勝軍曰武勝

軍

舊以鄧州為威勝軍今避上名而改之

唐主以太弟太保昭義節度

使馮延巳為左僕射前鎮海節度使徐景運為中書侍

郎及右僕射孫晟皆同平章事既宣制戶部尚書常夢

錫衆中大言曰白麻甚佳但不及江文蔚疏耳

江文蔚疏見二

百八十七卷漢天福十二年

晟素輕延巳謂人曰金盃玉盃乃貯狗

矢乎

盃烏管翻
貯丁呂翻

延巳言於唐主曰陛下躬親庶務故宰

相不得盡其才此治道所以未成也

治直
吏翻

唐主乃悉以

政事委之奏可而已既而延巳不能勤事文書皆仰成

胥史

仰牛
向翻

軍旅則委之邊將項之事並不治唐主乃復

自覽之

復扶
又翻

大理卿蕭儼惡延巳為人數上疏攻之會

儼坐失人死罪

惡烏路翻數所角翻上時掌
翻誤入人死罪謂之失人

鍾謨李

德明輩必欲殺之延巳曰儼誤殺一婦人諸君以為當

死儼九卿也可誤殺乎獨上言儼素有直聲今所坐已

會赦宜從寬宥儼由是得免人亦以此多之景運尋罷

為太子少傅

按唐既置太弟官屬不應復有太子少傅當考

夏四月丙戌朔

日有食之帝以曹英等攻兗州久未克乙卯下詔親

征以李穀權東京留守兼判開封府鄭仁誨權大內都

巡檢又以侍衛馬軍都指揮使郭崇充在京都巡檢

唐主既克湖南遣其將李建期屯益陽以圖朗州以知

全州張巒兼桂州招討使以圖桂州久之未有功唐主

謂馮延巳孫晟曰楚人求息肩於我

言湖南之人苦其主之虐政暴斂而

求息肩於唐

我未有撫其瘡痍而虐用其力非所以副來蘇

之望

書曰後來其蘇言楚人望唐之休息而唐又興兵伐以疲之非所以副其望使唐主言而能行不搖

於衆口烏有他日之敗乎

吾欲罷桂林之役斂益陽之戍以旌節授

劉言何如晟以為宜然

宜然猶言宜如此也

延巳曰吾出偏將舉

湖南遠近震驚一旦三分喪二

得潭而失朗桂故謂之三分喪二喪息浪翻

人將輕我請委邊將察其形勢唐主乃遣統軍使侯訓

將兵五千自吉州路趣全州

趙七喻翻

與張密合兵攻桂州

南漢伏兵於山谷巖等始至城下罷乏

罷請曰疲

伏兵四起

城中出兵夾擊之唐兵大敗訓死蠻收散卒數百奔歸

全州 五月庚申帝發大梁戊辰至兗州己巳帝使人

招諭慕容彥超城上人語不遜庚午命諸軍進攻先是

術者給彥超云鎮星行至角亢角亢兗州之分

先悉薦
翻鎮星

土星也亢苦郎
翻分扶問翻

其下有福彥超乃立祠而禱之令民間

皆立黃幡

土色黃彥超令立幡以從其色人心
悅則天意得人有離心厭勝何益

彥超性

貪吝官軍攻城急猶瘞藏珍寶

瘞於
計翻

由是人無鬪志將

卒相繼有出降者乙亥官軍克城彥超方禱鎮星祠帥

衆力戰

帥讀曰率

不勝乃焚鎮星祠與妻赴井死子繼勲出

走追獲殺之官軍大掠城中死者近萬人

近其斬翻

初彥超

將反募羣盜置帳下至者二千餘人皆山林獷悍

獷古猛翻

悍戾肝翻又下罕翻

竟不為用帝欲悉誅兗州將吏翰林學士竇

儀見馮道范質與之共白帝曰彼皆脅從耳乃赦之丁

丑以端明殿學士顏衍權知兗州事

衍苦旱翻又苦肝翻

赦兗州

管内彥超黨逃匿者期一月聽自首

首式又翻

前已伏誅者

赦其親戚癸未降泰寧軍為防禦州

以慕容彥超據兗州拒命降節鎮為

防禦州

唐司徒致仕李建勲卒且死戒其家人曰時事

如此吾得良死幸矣勿封土立碑聽人耕種於其上免

為他日開發之標及江南之亡也

謂宋平金陵時

諸貴人高大

之冢無不發者惟建勲冢莫知其處

李建勲知國事之日非而骸骨得保

其藏可不

六月乙酉朔帝如曲阜謁孔子祠

昔少皞氏自窮

謂智乎

秦而徙曲阜魯侯伯禽所宅少皞氏之墟也應劭曰曲阜在魯城中委曲長七八里劉向曰曲阜有關里孔子

所居後人立孔子祠自唐以來兗州治瑕丘而曲阜為屬縣九域志在州東四十里宋大中祥符五年改曲阜

為仙源縣

既奠將拜左右曰孔子陪臣也不當以天子拜之

帝曰孔子百世帝王之師敢不敬乎遂拜之又拜孔子

墓命葺孔子祠禁孔林樵採

孔子廟在曲阜城西南隅闕里孔子墓在曲阜城北

泗水上去城一里葬地蓋一頃墳南北十步東西十三步高一丈二尺前有執轡為祠壇方六尺與地平塋中異木以百數皆諸弟子自四方致之植於塋中魯人莫之識也訪孔子顏淵之後以為

曲阜令及主簿丙戌帝發兗州 乙未吳越順德太夫

人吳氏卒 丁酉蜀大水入成都

秦時蜀守李冰穿二江成都中皆可行舟

郡縣志曰李冰鑿離澤又開二渠由永康過新繁入成都謂之外江又一渠由永康過郫入成都謂之內江高駢未築羅城內外江皆從城西入自駢築城遂從西北作麻東堰外江遠城北而東注於合江內江循城南而

與外水俱注江江自西來其地勢高所以有水患

漂沒千餘家溺死五千餘人

壞太廟四室

怪壞音

戊戌蜀大赦賑水災之家 已亥帝

至大梁

自兗州還至大梁

朔方節度使兼中書令陳留王馮

暉卒其子牙內都虞侯繼業殺其兄繼勲自知軍府事

太子賓客李濤之弟澣在契丹為勤政殿學士與幽

州節度使蕭海真善海真契丹主兀欲之妻弟也澣說

海真內附海真欣然許之澣因定州謀者田重霸齎絹

表以聞

說式芮翻諜達協翻重直龍翻

且與濤書言契丹主童駮

駮五駮翻

癡也

專事宴遊無遠志非前人之比

前人謂阿保機德光等

朝廷若

能用兵必克不然與和必得二者皆利於速度其情勢

它日終不能力助河東者也

度徒洛翻河東謂北漢

壬寅重霸至

大梁會中國多事不果從

北不得燕雲西不得河鄆靈夏宋人以為千古之恨觀溫

公書此事則元祐初奔米脂等四寨知中國之力不足也

辛亥以馮繼業為朔方

留後 樞密使王峻性輕躁多計數好權利喜人附已

躁則到翻好呼到翻喜許記翻

自以天下為已任每言事帝從之則喜

或時未允輒愠懟

愠於運翻懟直類翻

往往發不遜語帝以其故

舊且有佐命功

帝自鄴都入汴以至即位王峻之功為多

又素知其為人每

優容之峻年長於帝帝即位猶以兄呼之或稱其字峻

以是益驕副使鄭仁誨皇城使向訓恩州團練使李重

進皆帝在藩鎮時腹心將佐也

重直龍翻將即亮翻

帝即位稍稍

進用峻心嫉之累表稱疾求解機務以詗帝意

詗古永翻又翹

正帝屢遣左右敦諭峻對使者辭氣亢厲

亢苦浪翻

又遣諸

道節度使書求保證

遺唯李翻

諸道各獻其書帝驚駭久之

復遣左右慰勉令視事

復扶又翻

且曰卿儻不來朕且自往

猶不至帝知樞密直學士陳觀與峻親善令往諭指觀

曰陛下但聲言臨幸其第峻必不敢不來秋七月戊子

峻入朝帝慰勞令視事

勞力到翻為
貶王峻張本

重進滄州人其母

即帝妹福慶長公主也

長知
兩翻

李穀足跌傷右臂

跌徒
結翻

在告月餘帝以穀職業繁劇趣令入朝

在告在假也趣
讀曰促朝直遙

翻下辭以未任趨拜

仕音
士

癸巳詔免朝參但令視事

蜀工部尚書判武德軍郭延鈞不禮於監押王承丕承

丕謀作亂辛丑左奉聖都指揮使安次孫欽

安次縣屬
幽州孫欽

本燕人而仕於蜀

當以部兵戍邊往辭承丕承丕邀與俱見府

公

府公謂郭延鈞也公者人之尊稱一府所尊故謂之府公

欽不知其謀從之承丕

至則令左右擊殺延鈞屠其家稱奉詔處置軍府

處昌呂翻

即開府庫賞士卒出繫囚發屯戍將吏畢集欽謂承丕

曰今延鈞已伏辜公宜出詔書以示衆承丕曰我能致

公富貴勿問詔書欽始知承丕反因給曰今內外未安

我請以部兵為公巡察

為于偽翻

即躍馬而出承丕連呼之

不止欽至營曉諭其衆帥以入府攻承丕

帥讀曰率

承丕左

右欲拒戰欽叱之皆弃兵走遂執承丕斬之并其親黨
傳首成都 天平節度使守中書令高行周卒行周有

勇而知義功高而不矜策馬臨敵叱咤風生平居與賓
僚宴集侃侃和易人以其是重之

咤涉駕翻易以鼓翻史
言高行周所以能以功

名終 癸卯蜀主遣客省使趙季札如梓州慰撫吏民

新以

經王承丕
之亂也

漢法犯私鹽麴無問多少抵死鄭州民有

以屋稅受鹽於官過州城吏以為私鹽執而殺之其妻

訟寃癸丑始詔犯鹽麴者以斤兩定刑有差

時勅諸色
犯鹽麴所

犯一斤已下至一兩杖八十配役五斤已下
一斤已上徒三年五斤已上重杖一頓處死



資治通鑑卷二百九十



總校官庶吉士臣侍朝

校對官編修臣閔惇大

膳錄貢生臣張健

膳錄貢生臣王樞

欽定四庫全書薈要

史部

資治通鑑卷二百九十一

詳校官編修臣汪鏞



欽定四庫全書薈要卷七千二百七十七

史部

資治通鑑卷二百九十一 宋 司馬光 撰

胡三省 音註

後周紀二

起玄默困敦九月盡閏逢攝提格四月凡一年有奇

太祖聖神恭肅文武孝皇帝中

廣順二年九月甲寅朔吳越丞相裴堅卒以台州
刺史吳延福同參相府事 庚午敕北邊吏民毋
得入契丹境俘掠 契丹將高謨翰以葦棧度胡

盧河入寇

胡盧河在深冀之間橫亘數百里
丁度曰胡盧河即衡漳之別名

至冀

州成德節度使何福進遣龍捷都指揮使劉誠誨

等屯貝州以拒之

九域志貝州北至冀州一百二十里

契丹聞之遽

引兵北度所掠冀州丁壯數百人望見官軍爭鼓

譟欲攻契丹官軍不敢應契丹盡殺之 蜀山南

西道節度使李廷珪奏周人聚兵關中請益兵為

備蜀主遣奉鑒肅衛都虞候趙進將兵趣利州

七趣

喻翻既而聞周人聚兵以備北漢乃引還

還從宣翻
又如字

唐武安節度使邊鎬昏懦無斷

斷丁 亂翻

在湖南政出多門

不合衆心吉水人歐陽廣上書

吉水古吉陽縣地久廢唐置吉水縣屬吉州九

域志在州東北四十里宋白曰隋開皇十年廢吉陽縣入廬陵縣大業分廬陵縣水東十一鄉為吉水縣言

鎬非將帥才必喪湖南

將即亮翻帥所類翻喪息浪翻

宜別擇良帥益

兵以救其敗不報唐主使鎬經略朗州有自朗州來者

多言劉言忠順鎬由是不為備唐主召劉言入朝

朝直遙翻

言不行謂王逵曰唐必伐我奈何逵曰武陵負江湖之

險

朗州武陵郡

帶甲數萬安能拱手受制於人邊鎬撫御無

方士民不附可一戰擒也言猶豫未決周行逢曰機事

貴速緩則彼為之備不可圖也言乃以達行逢及牙將

何敬真張傲蒲公益朱全琇琇音秀宇文瓊彭萬和潘叔

嗣張文表十人皆為指揮使部分發兵分扶問翻叔嗣文表

皆朗州人也行逢能謀文表善戰叔嗣果敢三人多相

須成功情款甚昵昵尼質翻諸將欲召溱州酋長苻彥通為

援溱音叙苻讀曰蒲酋慈由翻長知兩翻苻彥通自謂苻秦苗裔行逢曰蠻貪而無義

前年從馬希萼入潭州焚掠無遺見二百八十九卷吾

漢隱帝乾祐二年

兵以義舉往無不克烏用此物使暴殄百姓哉乃止然

亦畏彥通為後患以蠻酋土團都指揮使劉瑫為羣蠻

所憚

瑫他牢翻

補西境鎮遏使以備之冬十月逵等將兵分

道趣長沙

趣七喻翻

以孫朗曹進為先鋒使

孫朗曹進奔朗州見上卷是年

正月邊鎬遣指揮使郭再誠等將兵屯益陽以拒之戊子

逵等克沅江

沅音元沅江漢益陽縣地隋改為安樂又改為沅江乾寧中改為橋江楚復為沅江

屬朗州九域志在岳州西南一百二十六里

執都監劉承遇裨將李師德帥

衆五百降之

帥讀曰率降戶江翻

士辰逵等命軍士舉小舟自蔽

直造益陽

造七到翻

四面奔寨而入遂克之殺戍兵二千人

邊鎬告急於唐甲午達等克橋口及湘陰

九域志潭州長沙縣有橋

鎮口乙未至潭州邊鎬嬰城自守救兵未至城中兵少丙

申夜鎬棄城走吏民俱潰醴陵門橋折

醴陵門潭州城東門折而設翻

死者萬餘人道州刺史廖偃為亂兵所殺丁酉旦王達

入城自稱武平節度副使權知軍府事

武平當作武安軍府謂潭州軍

也府以何敬真為行軍司馬遣敬真等追鎬不及斬首五

百級蒲公益攻岳州

風俗通漢有詹事蒲昌又晉書戴紀氏苗蒲洪之先其家池中蒲生

長五丈如竹形時咸謂之蒲家因以為唐岳州刺史宋氏其後改姓苻則蒲之所自出有二焉

德權走劉言以公益權知岳州唐將守湖南諸州者聞

長沙陷相繼遁去劉言盡復馬氏嶺北故地惟郴連入

於南漢

郴尹林翻

契丹瀛莫幽州大水流民入塞散居河

北者數十萬口契丹州縣亦不之禁詔所在賑給存處

之

賑津忍翻處昌呂翻

中國民先為所掠得歸者什五六丁未

李穀以病臂久未愈

李穀病臂始上卷是年六月穀上須有李字文乃明

三表辭

位帝遣中使諭指曰卿所掌至重

謂李穀掌三司金穀也

朕難其

人苟事功克集何必朝禮

朝直遙翻

朕今於便殿待卿可暫

入相見穀入見於金祥殿

見賢過翻

面陳悃款

悃苦本翻誠也

帝不

許穀不得已復視事

復扶又翻

穀未能執筆詔以三司務繁

令刻名印用之

辛亥敕民有訴訟必先歷縣州及觀

察使處決不直

處昌呂翻

乃聽訟於臺省或自不能書牒倩

人書者必書所倩姓名居處若無可倩聽執素紙所訴

必須已事毋得挾私客訴

倩七政翻假倩也事不干已妄興詞訟謂之客訴

慶州刺史郭彥欽性貪野雞族多羊馬

五代會要党項野雞族居慶州

北彥欽故擾之以求賂野雞族遂反剽掠網商

剽匹妙翻網商

往沿邊販易者薛史慶州北十五里寡婦山有蕃部曰

野雞族刺史郭彥欽擅加羅鹽錢民夷流怨蕃族獷悍

好為不法彥欽乃奏

帝命寧環二州合兵討之

唐於古鳴沙之

野雞族掠奪網商

地置威州周改曰環州九域志寧州北至慶

劉言遣

州一百二十里環州南至慶州一百八十里

使來告稱湖南世事朝廷不幸為鄰寇所陷

鄰寇謂唐也

臣

雖不奉詔輒糾合義兵削平舊國

言削平湖南舊楚之地

唐主削

邊鎬官爵流饒州初鎬以都虞侯從查文徽克建州

事見

二百八十五卷晉齊王開運

二年唐主之保大三年也

凡所俘獲皆全之建人謂

之邊佛子及克潭州市不易肆

事見上卷元年唐之保大九年也

潭人

謂之邊菩薩

菩薄乎翻薩桑葛翻釋典菩薩也薩濟也言能普濟衆生也

既而為節

度使政無綱紀惟日設齋供

供居用翻

盛修佛事潭人失望

謂之邊和尚矣左僕射同平章馮延巳右僕射同平章

事孫晟上表請罪皆釋之晟陳請不已乃與延巳皆罷

守本官唐主以比年出師無功

比毗至翻

乃議休兵息民或

曰願陛下數十年不用兵可小康矣唐主曰將終身不

用何數十年之有

人非金石唐主自謂真能享無疆之壽乎然欲終身不用兵而周兵已至

淮上

唐主思歐陽廣之言拜本縣令

以歐陽廣言邊鎬必敗其言驗也

十一月辛未徙保義節度使折從阮為靜難節度使

折從阮自陝州徙郿州難乃旦翻下同

討野雞族癸酉敕約每歲民間所

輸牛皮三分減二計田十頃稅取一皮餘聽民自用及

賣買惟禁賣於敵國先是兵興以來

先悉薦翻

禁民私賣買

牛皮悉令輸官受直唐明宗之世有司止償以鹽晉天

福中并鹽不給漢法犯私牛皮一寸抵死然民間日用

實不可無帝素知其弊至是李穀建議均於田畝公私

便之 十二月丙戌河決鄭滑遣使行視修塞

行下孟
翻塞悉

則 甲午前靜難節度使侯章獻買宴絹千匹銀五百

兩帝不受曰諸侯入覲天子宜有宴犒豈待買邪

五代
之時

不特方鎮入朝買宴唐明宗天成二年三月幸會
節園羣臣買宴則在朝之臣亦買宴矣犒苦到翻

自今

如此比者皆不受

王逵將兵及洞蠻五萬攻郴州

郴州
林翻

南漢將潘崇徹救之遇於蠓石

蠓石在郴州義
章縣蠓音豪

崇徹登

高望湖南兵曰疲而不整可破也縱擊大破之伏尸八

十里 翰林學士徐台符請誅誣告李崧者葛延遇及

李澄

誣李崧事見二百八十八卷漢乾祐元年徐台符素與李崧善故為請誅誣告者

馮道以

為屢更赦不許

更工衡翻

王峻嘉台符之義白於帝癸卯收

延遇澄誅之

劉言表稱潭州殘破乞移使府治朗州

使疏吏翻

且請貢獻賣茶悉如馬氏故事許之

唐江西觀

察使楚王馬希萼入朝唐主留之後數年卒於金陵謚

曰恭孝

初麟州土豪楊信自為刺史受命於周信卒

子重訓嗣

考異曰崇訓或作崇勲世宗實錄作崇訓後蓋避梁王崇訓改名也按考異則重訓當

作崇以州降北漢至是為羣羌所圍復歸款

復扶求救又翻

於夏府二州

夏州李彝殷府州折德戾九域志麟州西北至夏州一百二十里東北至府州一百

二十里

三年春正月丙辰以武平留後劉言為武平節度使制

置武安靜江等軍事同平章事以王達為武安節度使

何敬真為靜江節度使周行逢為武安行軍司馬

王達既得

漳州則殺何敬真既殺何敬真則攻劉言而併朗州

詔折從阮野雞族能改過

者拜官賜金帛不則進兵討之壬戌從阮奏酋長李萬

全等受詔立誓外

酋慈秋翻長知兩翻

自餘猶不服方討之前

世屯田皆在邊地使戍兵佃之

佃亭年翻

唐末中原宿兵所

在皆置營田以耕曠土其後又募高貲戶使輸課佃之

輸春遇翻
下歲輸同

戶部別置官司總領不隸州縣或丁多無役

或容庇奸盜州縣不能詰

詰去吉翻

梁太祖擊淮南掠得牛

以千萬計

朱全忠大掠淮南見二百六十五卷唐昭宗天祐元年

給東南諸州農

民使歲輸租自是歷數十年牛死而租不除民甚苦之

帝素知其弊會閤門使知青州張凝上便宜請罷營田

務李穀亦以為言乙丑敕悉罷戶部營田務以其民隸

州縣其田廬牛農器並賜見佃者為永業

見賢通翻

悉除租

牛課是歲戶部增三萬餘戶民既得為永業始敢葺屋

植木獲地利數倍或言營田有肥饒者不若鬻之可得

錢數十萬緡以資國帝曰利在於民猶在國也朕用此

錢何為 萊州刺史葉仁魯帝之故吏也

按葉仁魯漢高祖之親將

也天福十二年嘗破契丹于承天軍今日帝之故吏必嘗事帝於樞密院或討河中鎮鄴都時也

坐賊

絹萬五千匹錢千緡庚午賜死帝遣中使賜以酒食曰

汝自抵國法吾無如之何當存恤汝母仁魯感泣 帝

以河決為憂王峻自請往行視許之

行下孟翻

鎮寧節度使

榮屢求入朝峻忌其英烈每沮止之

沮在呂翻

閏月榮復求

入朝

復扶又翻

會峻在河上帝乃許之

契丹寇定州圍義

豐軍

時置義豐軍於定州義豐縣

定和都指揮使楊弘裕夜擊其營

大獲契丹遁去又寇鎮州本道兵擊走之

丙申鎮寧

節度使榮入朝故李守貞騎士馬全又從榮入朝帝召

見補殿前指揮使謂左右曰全又忠於所事昔在河中

屢挫吾軍

謂漢乾祐間帝討李茂貞時也

汝輩宜効之王峻聞榮入朝

遽自河上歸戍戍至大梁彰武節度使高允權卒其

子牙內指揮使紹基謀襲父位詐稱允權疾病表已知

軍府事觀察判官李彬切諫紹基怒斬之辛巳以彬謀

反聞王峻固求領藩鎮帝不得已以峻兼平盧節度

使高紹基屢奏雜虜犯邊冀得承襲帝遣六宅使張

仁謙詣延州巡檢

職官分紀曰唐置十宅六宅使以諸王所屬為名或摠云十六宅後止曰

六宅紹基不能匿始發父喪戊申折從阮奏降野雞二

十一族唐草澤邵崇上言

布衣未有朝命者謂之草澤上時掌翻

近游

淮上聞周主恭儉增修德政吾兵新破於潭朗

謂邊鎬潭州之

敗也恐其有南征之志宜為之備

智識之士何國無之顧用與不用耳

初

王逵既得潭州

事見上卷十月

以指揮使何敬真為靜江節度

副使朱全琇為武安節度副使張文表為武平節度副

使周行逢為武安行軍司馬敬真全琇各置牙兵與逵

分廳視事吏民莫知所從每宴集諸將使酒紛拏如市

無復上下之分

拏奴加翻分扶問翻

唯行逢文表事逵盡禮逵親

愛之敬真與逵不協辭歸朗州又不能事劉言與全琇

謀作亂言素忌遠之彊疑遠使敬真伺已將討之遠聞

之甚懼

伺相吏翻

行逢曰劉言素不與吾輩同心何敬真朱

全琇恥在公下公宜早圖之遠喜曰與公共除兇黨同

治潭朗

周行逢之據有潭朗自此造端矣治直之翻

夫復何憂

扶又翻夫音扶復

會

南漢寇全道永州行逢請身至朗州說言

說式芮翻

遣敬真

全琇南討

南討者拒南漢之兵

俟至長沙以計取之如掌中物耳

遠從之行逢至朗州言以敬真為南面行營招討使全

琇為先鋒使將牙兵百餘人會潭州兵以禦南漢二人

至長沙達出郊迎相見甚歡宴飲連日多以美妓餌之

妓渠綺翻

敬真因淹留不進朗州指揮使李仲遷部兵三千

人久戍潭州敬真使之先發趣嶺北

全道永三州皆在大庾嶺之北趣七

喻翻都頭符會等因士卒思歸劫仲遷擅還朗州達乘敬

真醉使人詐為言使者責敬真以南寇深侵不亟捍禦

而專務荒宴太師命械公歸西府

太師謂劉言朗府在潭州之西故謂之西

府因收繫獄全琇逃去遣兵追捕之二月辛亥朔斬敬

真以徇未幾

幾居豈翻

獲全琇及其黨十餘人皆斬之 癸

丑鎮寧節度使榮歸澶州

澶時連翻

初契丹主德光北還

見二

百八十六卷
天福十二年

以晉傳國寶自隨至是更以玉作二寶

傳國

寶及受命寶也五代會要曰時製寶兩座用白玉方六寸螭虎紐馮道書寶文其一以皇帝承天受命之寶為文其一以皇帝神寶為文宋白曰時內司製二寶詔太常具制度以聞有司言唐六典符寶郎掌天子八璽其一曰神寶二曰受命寶其神寶方六寸高四寸六分厚一寸七分螭龍紐文與傳國璽同傳國璽秦皇以藍田玉刻之李斯篆方四寸面文曰受命于天既壽永昌紐盤五龍二寶歷代相傳以為神器別有六寶一曰皇帝行璽二曰皇帝之璽三曰皇帝信璽四曰天子行璽五曰天子之璽六曰天子信璽此六璽因文為名並白玉螭虎紐歷代傳受或亡失則補之北朝鑄之以金貞觀十六年別製玄璽一座文曰皇天景命有德者昌白玉

螭虎紐同光中製寶一座文曰皇帝受命之寶天福四年製寶一座文曰皇帝神寶其同光天福二寶內司製造不見紐篆分寸制度勅今製國寶兩座其一宜以皇帝承天受命之寶為文其一以皇帝神寶為文命中書令馮道書寶議者曰國以玉璽為傳授神器遂古無聞運計樞曰舜禹天子黃龍負璽世本曰魯昭公始作璽秦兼六國稱皇帝禮取藍田之玉王工孫壽刻之方四寸李斯為大篆書之形制如龍魚鳳鳥之狀希世之至寶也秦亡子嬰以璽降漢漢世世傳寶之王莽之篡求璽於元后后投之於堦一角微缺莽誅歸之更始更始敗歸之盆子及熊耳之敗盆子以璽降光武漢末黃巾亂投璽於井孫堅入洛見井有五色氣取得之以歸袁術術敗荊州刺史徐璆得之詣許以進獻帝魏受漢得之以傳于晉洛陽之陷劉聰得之劉曜為石勒所禽璽歸于鄴石氏之亂冉閔得之閔敗晉將戴施入鄴得之送江東傳之宋齊梁臺城之破侯景得之景敗其將侯

子鑒以璽走為追兵所迫投於栖霞寺井中僧永杼得而匿之陳永定二年永弟子普智以璽上陳文帝隋平陳始得秦真傳國璽煬帝江都之禍宇文化及得之化及敗璽歸竇建德建德敗其妻曹氏以璽獻于唐唐禪楊涉送寶于大梁莊宗滅梁得之同光末內難作寶為火灼文字訛缺明宗得之清泰敗以寶隨身自焚而死寶遂亡失其神寶者方六寸厚一寸七分高四寸六分蟠龍隱起文與秦璽同但玉色不及形制高大耳不知何代製造東晉孝武十九年雍州刺史郗恢得之慕容永送於金陵傳之宋齊梁臺城之破侯景得之景敗侍中趙思齊攜走江北獻之齊文宣帝宇文弒齊得之宇文亡入隋隋文帝改號傳國璽又改為受命璽及平陳始得秦真傳國璽仍以秦璽後出得於亡陳以北朝所傳神璽為第一秦璽次之隋亡竇建德妻與神璽俱獻長安唐末不知所在其說頗有源委因載于此更工衡翻

王逵遣使以斬何敬真

告劉言言不得已庚申斬符會等數人

以符會等擅歸召變也

樞密使平盧節度使同平章事王峻晚節益狂躁奏請

以端明殿學士顏衍

衍苦旱翻又苦旦翻

樞密直學士陳觀代范

質李穀為相帝曰進退宰輔不可倉猝俟朕更思之峻

力論列語浸不遜日向中帝尚未食峻爭之不已帝曰

今方寒食俟假開如卿所奏峻乃退

舊制寒食節休假前後共五日假居

訝翻癸亥帝亟召宰相樞密使入幽峻於別所帝見馮道

等泣曰王峻陵朕太甚欲盡逐大臣翦朕羽翼朕惟一

子專務間阻暫令詣闕已懷怨望

間古覓翻令詣闕謂聽皇子榮自澶州入

朝也豈有身典樞機復兼宰相又求重鎮

復扶又翻峻求領藩鎮見上月

觀其志趣殊未盈厭

厭於艷翻又於鹽翻

無君如此誰則堪之甲

子貶峻商州司馬制辭略曰肉視羣后孩撫朕躬

言視朝臣

如几上肉撫天子如嬰孩

帝慮鄴都留守王殷不自安

王峻王殷佐命有功一體

之人峻得罪故慮殷猜懼

命殷子尚食使承誨詣殷

尚食使唐尚食奉御之職諭

以峻得罪之狀峻至商州得腹疾帝猶愍之命其妻往

視之未幾而卒

幾居豈翻

帝命折從阮分兵屯延州

折從阮時

為靜難帥帥兵討野雞族而還師

高紹基始懼屢有貢獻又命供奉官

張懷貞將禁兵兩指揮屯鄜延

鄜方無翻

紹基乃悉以軍府

事授副使張匡圖甲戌以客省使向訓權知延州三

月甲申以鎮寧節度使榮為開封尹晉王

王峻既敗始名榮入

丙

戌以樞密副使鄭仁誨為鎮寧節度使初殺牛族與

野雞族有隙聞官軍討野雞饋餉迎奉官軍利其財畜

而掠之殺牛族反與野雞合敗寧州刺史張建武于包

山

敗補邁翻

帝以郭彥欽擾羣胡致其作亂

事見上年十月

黜廢於

家 初解州刺史浚儀郭元昭與權鹽使李溫玉有隙

漢隱帝分河中之解安邑聞喜
為解州解戶買翻權古岳翻
溫玉壻魏仁浦為樞密

主事

晉有尚書都令史八人秩二百石與左右丞總知
都臺事梁五人謂之五都令史隋開皇初改都令

史為都事置八人後魏於尚書諸司置主事令史隋於
諸省又各置主事令史煬帝並去令史之名更曰主事
初雜用士人至唐並用流外
至五代樞密院亦置主事 元昭疑仁浦庇之會李守

貞反溫玉有子在河中元昭收繫溫玉奏言其叛事連

仁浦帝時為樞密使知其誣釋不問至是仁浦為樞密

承旨元昭代歸甚懼過洛陽以告仁浦弟仁滌仁滌曰

吾兄平生不與人為怨况肯以私害公乎既至丁亥仁

浦白帝以元昭為慶州刺史 己丑以棣州團練使太

原王仁鎬為宣徽北院使兼樞密副使 唐主復以左

僕射馮延巳同平章事

去年十月唐失潭州馮延巳罷相

周行逢惡

武平節度副使張傲

惡烏路翻

言於王逵曰何敬真傲之親

戚臨刑以後事屬傲公宜備之

屬之欲翻

夏四月庚申逵召

傲飲醉而殺之

丙寅歸德節度使兼侍中常思入朝

戊辰徙平盧節度使將行奏曰臣在宋州舉絛四萬餘

兩在民間謹以上進請徵之

舉絲者以貨物貸與民至絲熟而徵其絲上時掌翻

帝額之五月丁亥敕榜宋州凡常思所舉悉蠲之思亦

無忤色

作疾各翻

自唐末以來所在學校廢絕蜀母昭裔

出私財百萬營學館

校戶教翻母音無姓也齊宣王且封母弟於母鄉其後因以為氏

請刻板印九經蜀主從之由是蜀中文學復盛

自漢司馬相如

楊雄以來蜀中號為多士而斯文之盛衰則繫乎上之人

六月壬子滄州奏契丹

知盧臺軍事范陽張藏英來降初唐明宗之世宰相

馮道李愚請令判國子監田敏校正九經刻板印賣朝

廷從之丁巳板成獻之

雕印九經始二百七十七卷唐明宗長興三年至是而成凡涉

二十八年由是雖亂世九經傳布甚廣

史言聖人之道所以不墜者以其有方策

之傳也

王逵以周行逢知潭州自將兵襲朗州克之殺

指揮使鄭玟

玟古孝翻

執武安節度使同平章事劉言幽於

別館

劉言為武平節度使鎮朗州非武安也安當作平言以元年七月得朗州至是而敗

秋七

月王殷三表請入朝帝疑其不誠遣使止之唐大旱

井泉涸淮水可涉饑民度淮而北者相繼濠壽發兵禦

之民與兵鬪而北來

觀民心之向背唐之君臣可以岌岌矣

帝聞之曰彼

我之民一也聽糴米過淮唐人遂築倉多糴以供軍八月已未詔唐民以人畜負米者聽之以舟車運載者勿

予

予讀曰與

王逵遣使上表誣劉言謀以朗州降唐又欲

攻潭州其衆不從廢而囚之臣已至朗州撫安軍府訖

且請復移使府治潭州

去年劉言表移使府於朗州

甲戌遣通事舍

人翟光裔詣湖南宣撫從其所請

翟莨伯翻又從歷翻

逵還長沙

以周行逢知朗州事又遣潘叔嗣殺劉言於朗州

為潘叔嗣

殺王逵周行逢殺叔嗣張本

九月己亥武成節度使白重贊奏塞

決河

滑州自唐以來置義成節度宋朝太平興國元年以太宗舊名始改為武成軍於此時武當作義塞

悉則翻

契丹寇樂壽齊州戍兵右保寧都頭劉漢章殺

都監杜延熙謀應契丹不克并其黨伏誅 南漢主立

其子繼興為衛王璵興為桂王慶興為荆王保興為禎

王崇興為梅王 東自青徐南至安復西至丹慈

丹州在龍

門河之西慈州在龍門河之東宋朝熙寧五年廢慈州以吉鄉縣屬隰州九域志吉鄉縣在隰州西南一百六

十北至貝鎮皆大水 帝自入秋得風痺疾

痺必至翻又毗至翻

害於食飲及步趨術者言宜散財以禳之帝欲祀南郊

又以自梁以來郊祀常在洛陽疑之執政曰天子所都則可以祀百神何必洛陽於是始築圓丘社稷壇作太

廟於大梁

自梁都大梁以來建立郊廟皆所未遑晉天福四年太常禮院奏唐廟制度請以至德宮

正殿隔為五室而已今始作太廟

癸亥遣馮道迎太廟社稷神主於洛

陽南漢大赦

冬十一月己丑太常請準洛陽築四

郊諸壇從之十二月丁未朔神主至大梁帝迎于西郊

祔享于太廟

鄴都留守天雄節度使兼侍衛親軍都

指揮使同平章事王殷恃功專橫

恃佐命之功也橫戶孟翻

凡河北

鎮戍兵應用敕處分者殷即以帖行之又多掊斂民財

處昌呂翻分扶

問翻拈蒲侯翻

帝聞之不悅使人謂曰卿與國同體艱

都帑庾甚豐

帑他朗翻

卿欲用則取之何患無財成德節度

使何福進素惡殷

惡烏路翻

甲子福進入朝密以殷陰事白

帝帝由是疑之乙丑殷入朝詔留殷充京城內外巡檢

戊辰府州防禦使折德扆奏北漢將喬贊入寇

贊於倫翻

擊走之王殷每出入從者常數百人殷請量給鎧仗

以備巡邏

從才用翻量音良邏郎佐翻因充京城內外巡檢遂有此請

帝難之時帝

體不平將行郊祀而殷挾震主之勢在左右衆心忌之
壬申帝力疾御滋德殿殷入起居遂執之下制誣殷謀
以郊祀日作亂流登州出城殺之命鎮寧節度使鄭仁
誨詣鄴都安撫仁誨利殷家財擅殺殷子遷其家屬於
登州 唐祠部郎中知制誥徐鉉言貢舉初設不宜遽
罷乃復行之

唐罷貢舉事
見上卷上年

先是楚州刺史田敬洙請修

白水塘溉田以實邊

先悉薦翻白水塘在楚州寶應縣西八十里鄧艾所築也

馮延

巳以為便李德明因請大開曠土為屯田修復所在渠

塘堙廢者吏因緣侵擾大興力役奪民田甚衆民愁怨
無訴徐鉉以白唐主唐主命鉉按視之鉉籍民田悉歸
其主或譖鉉擅作威福唐主怒流鉉舒州然白水塘竟
不成唐主又命少府監馮延魯巡撫諸州右拾遺徐鉉
表延魯無才多罪舉措輕淺不宜奉使唐主怒貶鉉校

書郎分司東都鉉之弟也

鉉口駭翻唐以揚州為東都史言唐主惑於二馮而

罪二徐路振九國志鉉錯皆徐延休之子

道州盤容洞蠻酋盤崇聚衆自稱

盤容州都統屢寇郴道州

酋慈秋翻盤姓也即盤瓠之後郴道二州時皆屬南漢

乙亥帝朝享太廟被袞冕左右掖以登塔

朝直遙翻被皮義翻

掖羊益翻

纔及一室酌獻俛首不能拜而退

免俛音

命晉王榮

終禮是夕宿南郊疾尤劇幾不救夜分小愈

劇甚也增也幾居希

翻

顯德元年春正月丙子朔帝祀圓丘僅能瞻仰致敬而

已進爵奠幣皆有司代之大赦改元聽蜀境通商

晉天福初

蜀猶與中國通開運以後中國多事蜀有吞併關西之志不復與中國通矣

戊寅罷鄴都

唐莊宗始以魏州為東京後罷東京以為鄴都

但為天雄軍

庚辰加晉王榮

兼侍中判內外兵馬事時羣臣希得見帝

見賢
遍翻

中外恐

懼聞晉王典兵人心稍安 軍士有流言郊賞薄於唐

明宗時者

唐明宗以軍士流言濫賞養成其驕莫肯效命何足法也

帝聞之壬午召

諸將至寢殿讓之曰朕自即位以來惡衣菲食專以贍

軍為念府庫蓄積四方貢獻贍軍之外鮮有贏餘

贍力
艷翻

鮮息善翻
贏餘經翻

汝輩豈不知之今乃縱兇徒騰口不顧人主

之勤儉察國之貧乏又不思已有何功而受賞惟知怨

望於汝輩安乎皆惶恐謝罪退索不逞者戮之流言乃

息

驕兵於分外希賞苟非以法齊之其無厭之心庸有極乎索山客翻

初帝在鄴都

漢

帝天祐三年帝在鄴都

奇愛小吏曹翰之才使之事晉王榮榮鎮

澶州以為牙將榮入為開封尹

去年三月榮為開封尹

未即召翰

翰自至榮怪之翰請間

間古莧翻

言曰大王國之儲嗣今主

上寢疾大王當入侍醫藥奈何猶決事於外邪榮感悟

即日入止禁中丙戌帝疾篤停諸司細務皆勿奏有大

事則晉王榮稟進止宣行之

以鎮寧節度使鄭仁誨

為樞密使同平章事

戊子以義武留後孫行友保義

留後韓通朔方留後馮繼業皆為節度使通太原人也

帝屢戒晉王曰昔吾西征

謂討李守貞王景崇趙思綰時

見唐十八

陵無不發掘者

唐高祖太宗高宗中宗睿宗玄宗肅宗代宗德宗順宗憲宗穆宗敬宗文宗武

宗宣宗懿宗僖宗凡十八帝皆葬關中陵名各見前紀

此無他惟多藏金玉故也

我死當衣以紙衣斂以瓦棺速營葬勿久留宮中壙中

無用石以甃代之

當衣於既翻斂力瞻翻甃蒲歷翻搏埴而陶之今謂之甃

工人役

徒皆和雇勿以煩民葬畢募近陵民三十戶蠲其雜徭使之守視勿修下宮勿置守陵宮人勿作石羊虎人馬

惟刻石置陵前云周天子平生好儉約遺令用紙衣瓦

棺嗣天子不敢違也汝或吾違吾不福汝又曰李洪義

當與節鉞

以李洪義發漢隱帝密詔也事見二百八十九卷乾祐三年

魏仁浦勿使

離樞密院

離力智翻

庚寅詔前登州刺史周訓等塞決河

先是河決靈河魚池酸棗陽武常樂驛河陰六明鎮原

武凡八口

九域志滑州白馬縣有靈河鎮漁池亦在滑州界酸棗津在大梁東北陽武在鄭州河陰

在孟州東南六明鎮在大通軍大通軍即胡梁渡也晉天福四年建浮橋置大通軍原武在鄭州之北塞悉則

翻先悉

至是分遣使者塞之

帝命趣草制

趣讀曰促以端

薦翻

明殿學士戶部侍郎王溥為中書侍郎同平章事壬辰
宣制畢左右以聞帝曰吾無恨矣以樞密副使王仁鎬
為永興軍節度使以殿前都指揮使李重進領武信節
度使

重直
龍翻

馬軍都指揮使樊愛能領武定節度使步軍

都指揮使何徽領昭武節度使

殿前都指揮使總殿前
諸班馬軍都指揮使總

侍衛司馬軍步軍都指揮使總侍衛司步軍宋朝三衛
之職昉於此武信軍遂州武定軍洋州昭武軍利州三
鎮皆屬蜀李重
進等遙領也重進年長於晉王榮帝召入禁中屬以

後事仍命拜榮以定君臣之分

長知兩翻屬之
欲翻分扶問翻

是日帝

殂於滋德殿

年五十一

祕不發喪乙未宣遺制丙申晉王即

皇帝位

考異曰太祖實錄乙未宣遺制晉王榮可於樞前即皇帝位世宗實錄丙申內出太祖遺制

羣臣奉帝即皇帝位蓋以乙未宣遺制丙申即位也

初靜海節度使吳權卒

吳權

據交州見二百八十一卷晉高祖天

福三年南漢高祖之大有十一年也

子昌岌立昌岌卒

岌魚及翻

弟昌文立是月始請命於南漢南漢以昌文為靜

海節度使兼安南都護

北漢主聞太祖晏駕甚喜謀

大舉入寇遣使請兵於契丹二月契丹遣其武定節度

使政事令楊衮將萬餘騎如晉陽

考異曰晉陽見聞錄衮帥騎五六七萬

號十萬來會今
從世宗實錄

北漢主自將兵三萬以義成節度使白

從暉為行軍都部署武寧節度使張元徽為前鋒都指

揮使

義成軍滑州武寧軍徐州皆屬周白從暉等亦遙
領考異曰世宗實錄賊將張暉領三千騎為前

鋒今從晉陽
間見實錄

與契丹自團柏南趣潞州

趣七
喻翻

蜀左匡

聖馬步都指揮使保寧節度使安思謙譖殺張業廢趙

廷隱

二事並見二百八十
八卷漢乾祐元年

蜀人皆惡之

惡烏
路翻

蜀主使將

兵救王景崇思謙逗撓無功

見二百八十八卷漢乾祐
二年蜀之明德十二年也

撓奴
教翻

內慙懼不自安自張業之誅宮門守衛加嚴思謙

以為疑已言多不遜思謙典宿衛多殺士卒以立威蜀

主閱衛士有年尚壯而為思謙所斥者復留隸籍思謙

殺之蜀主不能平思謙三子扆嗣裔倚父勢暴橫為國

人患

橫戶孟翻

翰林使王藻

職官分紀唐有翰林使掌伎術之待詔者五代有翰林茶酒使

蜀蓋仍唐舊制

屢言思謙怨望將反丁巳思謙入朝蜀主命壯

士擊殺之及其三子藻亦坐擅啓邊奏并誅之北漢

兵屯梁侯驛昭義節度使李筠遣其將穆令均將步騎

二千逆戰筠自將大軍辟於太平驛

宋白曰梁侯驛在團柏谷南太平驛

西北太平驛東南
距潞州八十里

張元徽與令均戰陽不勝而北令均

逐之伏發殺令均俘斬士卒千餘人筠遁歸上黨

潞州治上

黨秦為郡後周改曰潞州

嬰城自守筠即李榮也

天福十二年李榮有逐麻荅之功見

二百八十七卷

避上名改焉世宗聞北漢主入寇欲自將兵禦

之羣臣皆曰劉崇自平陽遁走以來

謂廣順元年劉崇圍晉州不克而歸

也事見上卷

勢蹙氣沮必不敢自來

沮在呂翻

陛下新即位山陵

有日人心易搖

易以鼓翻

不宜輕動宜命將禦之帝曰崇幸

我大喪輕朕年少新立

少詩照翻

有吞天下之心此必自來

朕不可不往馮道固爭之帝曰昔唐太宗定天下未嘗
不自行朕何敢偷安道曰未審陛下能為唐太宗否帝
曰以吾兵力之彊破劉崇如山壓卵耳道曰未審陛下

能為山否

馮道歷事八姓身為宰輔不聞獻替唯諫世宗親征一事

帝不悅惟王溥

勸行帝從之 三月乙亥朔蜀主加捧聖控鶴都指揮

使兼中書令孫漢韶武信節度使賜爵樂安郡王罷軍

職

罷其掌禁兵之職也

蜀主懲安思謙之跋扈命山南西道節度

使李廷珪等十人分典禁兵

北漢乘勝進逼潞州

乘梁

侯驛之勝也

丁丑詔天雄節度使符彥卿引兵自磁州固鎮

出北漢軍後

磁州武安縣有固鎮自此西北行至遼州北漢軍時已攻潞州符彥卿若至遼州界

則出其後矣

以鎮寧節度使郭崇副之又詔河中節度

使王彥超引兵自晉州東出邀北漢

九域志晉州東至潞州三百八十五

里以保義節度使韓通副之又命馬軍都指揮使寧江

節度使樊愛能步軍都指揮使清淮節度使何徽

寧江軍變

州屬蜀清淮軍壽州屬唐樊何亦遙領也

義成節度使白重贊

重直龍翻

鄭州防

禦使史彥超前耀州團練使符彥能將兵先趣澤州

趣七

諭
宣徽使向訓監之

監古街翻

重贊憲州人也

辛巳大赦

癸未帝命馮道奉梓宮赴山陵

山陵在鄭州新鄭縣

以鄭仁誨

為東京留守乙酉帝發大梁庚寅至懷州

九域志大梁至懷州三百

二十帝欲兼行速進控鶴都指揮使真定趙鼎私謂通

事舍人鄭好謙曰

晁直遙翻好呼到翻

賊勢方盛宜持重以挫之

好謙言於帝帝怒曰汝安得此言必為人所使言其人

則生不然必死好謙以實對帝命并晁械於州獄

懷州獄也

壬辰帝過澤州

九域志懷州北至澤州一百二十里

宿於州東北北漢主

不知帝至過潞州不攻引兵而南是夕軍於高平之南

劉昫曰高平漢涇氏縣地宋白曰漢涇氏縣後魏改玄氏北齊改高平九域志高平縣在澤州東北六十五里

癸巳前鋒與北漢軍遇擊之

考異曰世宗實錄甲午賊陳於高平南之高原按

下又有甲午此必癸巳誤也今從十國紀年

北漢兵却帝慮其遁去趣諸軍

亟進

趣讀曰促

北漢主以中軍陳於巴公原

陳讀曰陣下同巴公鎮在晉城

北縣東

張元徽軍其東楊衮軍其西衆頗嚴整時河陽節

度使劉詞將後軍未至衆心危懼而帝志氣益銳命白

重進與侍衛馬步都虞侯李重進將左軍居西

白重進當作白

重贊樊愛能何徽將右軍居東向訓史彥超將精騎居中

央殿前都指揮使張承德將禁兵衛帝帝介馬自臨陳

督戰北漢主見周軍少悔召契丹謂諸將曰吾自用漢

軍可破也

北漢主未戰而先有輕敵之心宜其敗也

何必契丹今日不惟克

周亦可使契丹心服諸將皆以為然楊衮策馬前望周

軍退謂北漢主曰勅敵也

勅渠京翻北人望塵知敵數又觀敵人置陳而知其強弱

楊衮必有見於此

未可輕進北漢主奮顙曰

顙如占翻

時不可失請

公勿言試觀我戰衮默然不悅時東北風方盛俄而忽

轉南風北漢副樞密使王延嗣使司天監李義白北
漢主云時可戰矣北漢主從之樞密直學士王得中扣
馬諫曰義可斬也風勢如此豈助我者邪北漢主曰
吾計已決老書生勿妄言且斬汝麾東軍先進張元
徽將千騎擊周右軍合戰未幾幾居樊愛能何徽引
騎兵先遁右軍潰步兵千餘人解甲呼萬歲降于北
漢帝見軍勢危自引親兵犯矢石督戰太祖皇帝時
為宿衛將謂同列曰主危如此吾屬何得不致死又

謂張承德曰賊氣驕力戰可破也公麾下多能左射者請引兵乘高出為左翼我引兵為右翼以擊之國家安危在此一舉承德從之各將二十人進戰太祖皇

帝身先士卒馳犯其鋒士卒死戰無不一當百

先悉薦翻

太祖皇帝自此肇基皇業

北漢兵披靡

披普彼翻

內殿直夏津馬仁瑀

謂衆曰使乘輿受敵安用我輩躍馬引弓大呼連斃數

十人士氣益振

內殿直周所置殿前諸班之號夏津漢鄆縣唐天寶元年改曰夏津屬貝

州九域志屬大名府在府東北二百五十里瑀王矩翻乘繩證翻呼火故翻

殿前右番行

首馬全又

去年馬全又自澶州從帝入朝已補殿前指揮使未至散員指揮使也右番行首居殿前

右番班行之首其官猶在散員指揮使之下行戶剛翻

言於帝曰賊勢極矣將為

我擒願陛下按轡勿動徐觀諸將破之即引數百騎進

陷陳北漢主知帝自臨陳

陳讀曰陣下同

褒賞張元徽趣使乘

勝進兵

趣讀曰促

元徽前略陳馬倒為周兵所殺元徽北漢

之驍將也北軍由是奪氣時南風益盛周兵爭奮北漢

兵大敗北漢主自舉赤幟以收兵不能止

北漢雖出於沙陀自謂劉

氏纂高光之緒故旗幟尚赤

楊衮畏周兵之彊不敢救且恨北漢主

之語全軍而退

考異曰五代史補劉崇求援於契丹得飛騎數千及觀世宗兵少悔之召諸

將謀曰吾觀周師易與耳契丹之衆宜勿使但以本軍決戰不唯破敵亦足使契丹見而心服諸將皆以為然乃使人謂契丹主將曰柴氏與吾主客之勢已見必不煩足下餘刃敢請勒兵登高觀之可也契丹不知其謀從之洎世宗之入陳也三軍皆賈勇爭進莫不一當百契丹望而畏之故不敢救而崇敗今從世宗實錄薛史樊愛能何徽引數千騎南走控弦露刃剽掠輜重

剽匹妙翻

重直用翻

役徒驚走失亡甚多帝遣近臣及親軍校追諭止

之校戶教翻

莫肯奉詔使者或為軍士所殺揚言契丹大至

官軍敗績餘衆已降虜矣劉詞遇愛能等於塗愛能等

止之詞不從引兵而北時北漢主尚有餘衆萬餘人阻

澗而陳薄暮詞至復與諸軍擊之

薄迫也復扶又

北漢

兵又敗殺王延嗣追至高平僵尸滿山谷委弃御物及

輜重器械雜畜不可勝紀

僵居良翻勝音升

是夕帝宿於野次

得步兵之降敵者皆殺之樊愛能等聞周兵大捷與士

卒稍稍復還

還從宣翻

有達曙不至者甲午休兵于高平選

北漢降卒數千人為効順指揮命前武勝行軍司馬唐

景思將之使戍淮上餘二千餘人賜貲裝縱遣之

貲當作資

李穀為亂兵所迫潛竄山谷數日乃出丁酉帝至潞州

北漢主自高平被褐戴笠

被皮義翻褐毛衫也無柄曰笠有柄曰簦

乘契丹

所贈黃騮

騮力求翻詩駟注赤馬黑髦曰騮黃色近於赤

帥百餘騎由雕窠嶺

遁歸

雕窠嶺在高平西北由江猪嶺路入帥讀曰率

宵迷

夜行而迷失道也

俘村民為

導誤之晉州行百餘里乃覺之殺導者晝夜北走所至

得食未舉筋或傳周兵至輒蒼黃而去北漢主衰老力

憊

憊蒲拜翻

伏於馬上晝夜馳驟殆不能支僅得入晉陽帝

欲誅樊愛能等以肅軍政猶豫未決己亥晝卧行宮帳

中張永德侍側帝以其事訪之

張永德太祖壻既親且專掌殿前兵侍衛

左右故訪以其事決可否

對曰愛能等素無大功忝冒節鉞望敵

先逃死未塞責

塞悉則翻

且陛下方欲削平四海苟軍法不

立雖有熊羆之士百萬之衆安得而用之帝擲枕於

地大呼稱善

呼火故翻

即收受能徽及所部軍使以上七

十餘人

使疏吏翻

責之曰汝曹皆累朝宿將非不能戰

朝直遙翻

將即亮翻下同

今望風奔遁者無他正欲以朕為奇貨賣與

劉崇耳悉斬之帝以何徽先守晉州有功

事見二百九十卷太

祖廣順元年欲免之既而以法不可廢遂并誅之而給櫬

車歸葬

櫬車小棺也櫬音衛

自是驕將惰卒始知所懼不行姑

息之政矣庚子賞高平之功以李重進兼忠武節度

使向訓兼義成節度使張永德兼武信節度使

兼者以本

職兼節鎮祿賜優於遙領者

史彥超為鎮國節度使

此正除節鎮

張永

德盛稱太祖皇帝之智勇帝擢太祖皇帝為殿前都

虞候

後魏之末宇文置虞候都督以主候騎虞候之官蓋始於此五代殿前都虞候在副都指揮使

之下與都副指揮使同掌殿前班直

領嚴州刺史

嚴州隸嶺南時為南漢所有遙領刺史耳

今武臣所領遙郡刺史正此類而落階官正除刺史者謂之正任刺史然亦未嘗臨郡治民也劉昫曰嚴州秦桂林郡地唐乾封間招致生獠置嚴州宋開寶七年廢嚴州以來賓縣隸象州以馬仁瑀

為控鶴弓箭直指揮使馬全義為散員指揮使自餘

將校遷拜者凡數十人

校戶教翻

士卒有自行間擢主軍廂

者

行戶剛翻時諸軍皆分左右廂廂各有主帥按薛史自五季至宋武官有軍主廂主曹威為奉國軍

主遷本軍廂主劉延欽為控鶴主是其徵也

釋趙晁之囚

囚趙晁所以威衆戰勝則釋之

北漢主收散卒繕甲兵完城塹以備周楊衮將其衆

北屯代州北漢主遣王得中送衮因求救於契丹契丹

主遣得中還報許發兵救晉陽壬寅以符彥卿為河東

行營都部署兼知太原行府事以郭崇副之向訓為都

監李重進為馬步都虞候史彥超為先鋒都指揮使將

步騎二萬發潞州仍詔王彥超韓通自陰地關入

北漢既敗

走移晉州東出之師北攻汾并

與彥卿合軍而進又以劉詞為隨駕部

署保大節度使白重贊副之

乘勝進攻晉陽隨駕之下當有都字

漢昭

聖皇太后李氏殂于西宮

周太祖既踐阼漢太后李氏遷居西宮事見上卷廣順元

年

夏四月北漢孟縣降

孟古縣唐屬太原府九域志在府東北二百里然宋下太

原徙治陽曲宋白曰孟縣本晉大夫孟丙之邑漢為孟縣按前此孟縣在今縣西陽曲縣東北八十里故孟縣城是也後魏省屬石艾縣隋開皇十六年分石艾縣置原仇縣屬遼州因原仇故城為名即今縣是也大業二年改原仇為孟

符彥卿軍晉陽城下王彥超攻汾州

九域

縣從漢舊名

志晉州北至汾州三百五十里

北漢防禦使董希顏降帝遣萊州防禦

使康延沼攻遼州

遼州唐之儀州也梁開平三年勅充州管內已有沂州其儀州改為遼州

九域志潞州東北至遼州二百四十三里

密州防禦使田瓊攻沁州皆不下

唐置沁州至宋太平興國五年廢沁州以和川縣隸晉州熙寧五年省和川縣入冀氏九域志冀氏縣在晉州

東二百八十里

供備庫副使太原李謙溥單騎說遼州

沁音七鴉翻

刺史張漢超

說式
芮翻

漢超即降

乙卯葬聖神恭肅文武

孝皇帝于嵩陵

三月乙酉梓宮赴山陵四月乙卯
方葬與北漢交兵葬備多闕故緩

廟號

太祖 南漢主以高王弘邈為雄武節度使鎮邕州弘

邈以齊鎮二王相繼死於邕州固辭

齊王宏弼死見二
百八十三卷晉天

福八年鎮王宏澤死見二
百八十四卷晉開運元年

求宿衛不許至鎮委政僚佐

日飲酒禱鬼神或上書誣弘邈謀作亂戊午南漢主遣

甘泉宮使林延遇賜酖殺之

初帝遣符彥卿等北征

但欲耀兵於晉陽城下未議攻取既入北漢境其民爭

以食物迎周師泣訴劉氏賦役之重願供軍須助攻晉

陽北漢州縣繼有降者帝聞之始有兼并之意

史言謀不先定

者非廟勝之策

遣使往與諸將議之諸將皆言芻糧不足請且

班師以俟再舉帝不聽

師有歸志宜其無功

既而諸軍數十萬聚

於太原城下軍士不免剽掠北漢民失望

剽匹妙翻

稍稍保

山谷自固帝聞之馳詔禁止剽掠安撫農民止徵今歲

租稅及募民入粟拜官有差仍發澤潞晉絳慈隰及山

東近便諸州民運糧以饋軍

山東近便諸州謂邢趙鎮定

已未遣李

穀詣太原計度芻糧

度徒洛翻

庚申太師中書令瀛文懿

王馮道卒

考異曰五代通錄謚曰文懿今從世宗實錄薛史

道少以孝謹知名

以此知名人所難能也少詩照翻

唐莊宗世始貴顯

馮道事劉守光位不過參軍入唐始

貴顯自是累朝不離將相三公三師之位

離力智翻唐制太師太傅太保

為三師太尉司徒司空為三公

為人清儉寬弘人莫測其喜愠滑稽多

智浮沈取容

滑音骨沈持林翻

嘗著長樂老叙自述累朝榮遇

之狀

馮道長樂老叙既自陳其榮遇又自謂孝於家忠於國為子為弟為人臣為司長為夫為父有子有

孫時開一卷時飲一杯食味別聲被色老安於當代老而自樂何樂如之其自述如此

時人往往

以德量推之

歐陽修論曰禮義廉恥國之四維四維不張國乃滅

亡

管子之言

禮義治人之大法

治直之翻

廉恥立人之大節况

為大臣而無廉恥天下其有不亂國家其有不亡者

乎予讀馮道長樂老叙見其自述以為榮其可謂無

廉恥者矣則天下國家可從而知也予於五代得全

節之士三

謂王彥章裴約劉仁贍

死事之人十有五

謂張源德夏魯奇姚

洪王思同張敬達翟進宗沈斌王清史彥超孫晟
馬彥超宋令珣李遐張彥卿鄭昭業凡十五人皆

武夫戰卒豈於儒者果無其人哉得非高節之士惡

時之亂

惡烏路翻

薄其世而不肯出歟抑君天下者不足

顧而莫能致之歟予嘗聞五代時有王凝者家青齊

之間為虢州司戶參軍以疾卒于官凝家素貧一子

尚幼妻李氏攜其子負其遺骸以歸東過開封止於

旅舍主人不納李氏顧天已暮不肯去主人牽其臂

而出之李氏仰天慟曰我為婦人不能守節而此手

為人所執邪即引斧自斷其臂見者為之嗟泣

斷音短為

之于開封尹聞之白其事於朝厚卹李氏而答其主

人此事歐陽公得之於五代鳴呼士不自愛其身而忍

恥以偷生者聞李氏之風宜少知愧哉少詩

臣光曰天地設位聖人則之以制禮立法內有夫婦

外有君臣婦之從夫終身不改臣之事君有死無貳

此人道之大倫也苟或廢之亂莫大焉范質稱馮道

厚德稽古宏才偉量雖朝代遷貿人無間言貿音茂

古覓乞若巨山不可轉也夷考范質之為人蓋學馮

翻

道者也乞與屹同魚迄翻

臣愚以為正女不從二夫忠臣不事二君為女不正
雖復華色之美織紵之巧不足賢矣為臣不忠雖復
材智之多治行之優不足貴矣

紵汝鳩翻治直
吏翻行下孟翻

何則

大節已虧故也道之為相歷五朝八姓

五朝唐晉遼
漢周八姓唐

莊宗明宗潞王各為一姓石晉邪
律劉漢周太祖世宗各為一姓

若逆旅之視過客

朝為仇敵暮為君臣易面變辭曾無愧怍

怍疾
各翻

大節

如此雖有小善庸足稱乎或以為自唐室之亡羣雄
力爭帝王興廢遠者十餘年近者四三年雖有忠智

將若之何當是之時失臣節者非道一人豈得獨罪

道哉臣愚以為忠臣憂公如家見危致命君有過則

彊諫力爭國敗亡則竭節致死智士邦有道則見

賢見

通翻邦無道則隱或滅迹山林或優遊下僚今道尊寵

則冠三師權任則首諸相

冠古玩翻
相息亮翻

國存則依違拱

嘿竊位素餐國亡則圖全苟免迎謁勸進君則興亡

接踵道則富貴自如茲乃奸臣之尤安得與他人為

比哉或謂道能全身遠害於亂世斯亦賢已

遠于臣
願翻

謂君子有殺身成仁無求生害仁

引論語夫子之言

豈專以

全身遠害為賢哉然則盜跖病終而子路醢果誰賢

乎

盜跖從卒九千橫行天下而以壽終子路仕衛孔悝之難子路死之蒞於衛東門之上

抑此

非特道之愆也

愆過也

時君亦有責焉

時君謂五朝八姓之君

何

則不正之女中士羞以為家不忠之人中君羞以為

臣

中士中君以人品言謂識見不及上而可以語上者

彼相前朝語其忠則反

君事讐言語其智則社稷為墟後來之君不誅不弃乃

復用以為相

復扶又翻

彼又安肯盡忠於我而能獲其用

乎故曰非特道之愆亦時君之責也

溫公以此警後世之君臣深矣

辛酉符彥卿奏北漢憲州刺史太原韓光愿嵐州刺史

郭言皆舉城降

屬郡雖降而都府未克終於無並大軍既退則其地復為敵有矣

初

符彥卿有女適李守貞之子崇訓相者言其貴當為天下母守貞喜曰吾婦猶母天下况我乎反意遂決及敗崇訓先刃其弟妹次及符氏符氏匿幃下崇訓倉猝求之不獲遂自剄

剄古頂翻

亂兵既入符氏安坐堂上叱亂兵

曰吾父與郭公為昆弟汝曹勿無禮太祖遣使歸之於

彥卿及帝鎮澶州

廣順元年帝鎮澶州三年入為開封尹

太祖為帝娶之

為于偽翻

壬戌立為皇后后性和惠而明決帝甚重之王

彥超韓通攻石州克之執刺史安彥進癸亥沁州刺史

李廷誨降庚午帝發潞州趣晉陽

趣七喻翻

癸酉北漢忻州

監軍李勅殺刺史趙臯及契丹通事楊耨姑

勅渠京翻耨奴篤翻

舉城降以勅為忻州刺史王逵表請復徙使府治朗

州

去年王逵移使府於澶州復扶又翻治直之翻

資治通鑑卷二百九十一